

顏神鎮志題詞



物之興也有其候事之成也有其人因
來曰才地限哉謂地有弱有來弱是鎬
岐平版可并茂夫尊靈赫胥以代謂才
有達有來達則絕麟而後又何必龍門
涑水迺能紹述推擴以丘訊夫大庭中

一



黃公遠歟列子曰莫下理不可以常是
事不可以恒非先日所用後或弃之今
茲所弃後或用之思夫二氣有亭毒三
才有蕃變如沙石積而金汞萃芥子爲
琥珀以堊危樞也而羽化朽變也而湖
蝶賢媛也而貞石山衽也而百合氤氳

幻見種之來共猶又尊所聞而忽所見
賢乎管而賤夫今將駿籛追風絕景非
伯粲不足御也劔籛斲馬指雕非歐冶
不足鑄也璞籛霄朗蕪坪非楚和來且
寶也藥籛生枯起朽非扁鵲不足合也
又奚怪仲尼來見重於當昔子雲蒙嗤

二



薄於比肩哉畫工有手不譜象形以繪
錦匠有能不勤象模以樸放職方勿廢
於金版屈土或著於典謨與會昔來微
論丘豳壑秀艸芬木榮薤露筍屈瓦材
岳伎樵畊漁織鳥噫虫吟君子未嘗不
察得樂天下其爲表彰焉龍水以麗青

麗也僅如黑子著面前此因喪志者擦
今追往跡放縱新嘉隆以來風殊氣上
咎鄙慙廼今文明矣咎倨侮廼今禮暴
矣咎常縷廼今冠裳矣匪直產毛需茲
者洽乎海岱而人文彪蔚黻黻炳哉輝
廊廟而鞏社稷彬之奕之綽有堅達不

三

雷半麗邑矣名公長者寧輜軒次止步
水瞻山詢風叩佶別羣執相壤宜莫不
謂當有所以志斯薦紳先生僉曰燮卒
爽形諸事者閭海昊庵葉息以諧儼逸
才倅茲土政事休暇坐臥山水間啣盃
錯論念茲不念家長兄罷吏歸閭居喪

事因鳩諸所爲而佐以紳三獲其牘由
其所不又其有者由後真來可以察斯
非實人交濟之候乎於是爲序

崑

康熙歲次丙午

賜進士云身晉鄉寧戶鎮人張聯箕謹

勤

顏神鎮志引

凡國有史以記政事直書而美惡昭焉郡邑有志以記風土實錄而貞淫別焉志者國之外史也青土居震位爲天帝長子之宮自尙父表海桓公主盟富彊甲於塞內至于文學之士五經六藝之傳亦代不乏人越稽所產豈直魚鹽棗

顏神鎮志引



栗哉歷代來文獻沿革載郡邑志中者固班班可攷矣益都附郭西鄙爲孝婦鄉鄉有李顏村以文姜顏氏女孝感靈泉沒後屢顯徵異里人立祠祀之故名顏神又地出石炭土可甄陶就居者日衆因改村爲鎮云明弘治八年始於鎮建行臺歲則青州備兵使者冬春駐劄正德十

二年始於鎮設專官分署彈壓嘉靖三十六年
兵憲弇州王公始於鎮甃築石城崇墉屹屹而
鎮遂爲東省之要區青郡之附庸非復向來之
隸于邑囿于鄉者之可同日語矣自置城百餘
年來風氣蒸蒸日上浸以盛而文獻缺焉未具余
每扼腕顏城無志里士大夫之恥抑亦溢斯土

顏神鎮志引

二

者之未光也順治庚子春余解綬歸里謀之諸
薦紳先生及諸鄉耆高明有識者皆有同志焉
因搜討見聞以俟纂修總裁者值閱吳菴葉公
祖以別駕來治鎮論其起家由太史氏出叅秦
晉方岳以直道召註誤左遷於此其讀中秘書
也富其閱歷山川名蹟也廣其採風問俗備輯

貞澁以獻

當宁也乃其才所優爲而職所當爲者豈以暮爾
而遂不足辱如椽哉於是臚其條件質之葉公
祖公曰善諸先生之志猶吾志也豈惟吾二三
人之志亦闔鎮百千萬人之志也豈惟百千萬
人卽上下百世前賢可起後學嗣興亦猶吾志

顏神鎮志引

三

援筆脫艸徐謀付剞劂焉敢紀其大畧以備輶
軒之採

康熙三年甲辰冬

文林卽河南知伊陽縣事里人張聯翼書于倚

碧閣



顏神鎮志叙

郡邑之有志所以示勸懲昭法戒而備司牧之
叅稽輜軒之採輯者故天文星野之躔度地理
山川之原委古今人事之盛衰氣運風俗之淳
漓則瓊貢賦之多寡歲時饗祀之舉廢明經科
甲之出處官職爵祿之崇卑與夫忠臣孝子貞
婦烈女仕宦隱逸文人韻士之芳踪下逮城市
關梁土宜物產災荒兵燹百工技藝之遺跡莫
不大小畢志以補

顏神鎮志序



國史所不及也若鎮則何志乎鎮之有志自顏
神始也顏神之有志自別駕葉先生始也地有
廣狹事有詳畧因地紀事非炫才見長所爲也

夫先生綜國史之全才出其緒餘而志鎮則先生不以志之傳不傳爲重而鎮實以先生之志傳不傳爲重余讀諸鄉先生列叙于前匠石尙懸工於後九仞一簣會萊守張堂公臨淄楊令尹問鎮志於予余承乏其間何敢以不敏辭因剖俸金進匠石而問之曰居肆成事子其鳩工

敬樂堂以竣厥功不獨成葉公祖之志實成顏神之志矣不獨成顏神之志實成顏神諸鄉先生之志矣有始之者必有終之者大都十五國之風不敢以蕞爾遺置先生已言之矣朝有國史野有家乘採風問俗後之人倘起而修金櫃石室之業者青屬益西有曰顏神志豈無小補

云乎哉是爲序

康熙九年庚戌春

承德郎山東青州府捕盜通判上黨趙良璧謹

識

旗碑鎮志序

三

顏神鎮志後序

余蒞鎮之三載歲已酉冬顏神志告竣余不愧
寡陋已首弁數言矣乃鎮諸鄉先生復請一言
以紀成功誼不容辭於是伏而思曰志者志也
志成而鄉先生之志遂矣志者誌也志備而風
土人物之誌詳矣夫復何言雖然余鎮官也在
後序

鎮言鎮竊惟鎮屬青之首邑晉邑附郭于青州
惟顏神最遠去邑之西南二百餘里地益高出
益峻水清而益駛其最險而橫絕南北者青石
關顏之爲鎮扼關之勝實據上游焉青州清淑
之氣于是焉聚且邑之鄉社基置而星列者不
知凡幾鎮獨氏於孝婦而稱神神之所貽風淳

俗美過其里者無不動忠臣孝子之思焉意必
有高賢大良名公鉅卿魁竒瑰瑋之姿產其間
而余亦旣見止亦旣覲止矣然氣之所聚盛而
不過神且有靈無疆惟休嗣此而人文鵲起世
閭蟬聯會見風土不改人物加盛將有誌不勝
誌者則鄉先生之志不益遂乎余故欣談樂道
後序

二

之以作將來一段佳話遂忘續貂之誚援筆而
書之於後

上黨趙良璧又識

顏黃門曰博士買驢書券
三紙尙未有驢字惡其多
文也然王褒僮約搃撫細
碎傳會笑端刺刺數紙幾
令讀者俯仰錯喉尙未得

序



三

休顧又不厭其煩者徒以
有筆耳後之采輯佚聞以
成廣志者其亦有資於是
乎則別駕公已有說於前
矣

光祿大夫內秘書院大學士前少保兼太子太保吏戶兵三部尚書鎮人孫廷銓江亭甫題

顏神鎮志叙

夫志胡爲乎志者志也博採舊聞表章遒烈以式今傳後作者之志也又曰識也在天分野在地分疆識其變恒以徵休咎東南魚稻西北畜牧識其土宜以則壤貢版築脩濬蜡廟雩壇識其經營以昭倚毗桐君麴令屠伯蒼鷹識其寬

顏神鎮志叙



一

嚴以資勸戒太平丹穴空同太蒙識其風氣以觀習尚平泉綠塋角里竹溪識其景行以勤仰止雖所識不一而其要歸於式今傳後而止仍爲作者之志也志取乎大然亦不遺乎小小者大之所由擴也志期乎全然亦不棄乎偏偏者全之所由滙也今於十五國之內而有山東十

五之一也於山東六郡之內而有青州六之一也於青郡十四屬之內而有益都十四之一也於益邑十二鄉之內而有孝婦一鄉其鎮曰顏神十二之一也夫以十五而僅處一焉以十五之一分爲六而又僅處一焉以一之六六之一復分爲十四而又僅處一焉以一之十四十四

之一復分爲十二而又僅處一焉則是顏神一鎮其綴旒於十五國中也猶螟之睫蝸之角渤海之微漚而太倉之稊米也偏何足云而小又奚所比數哉然而作者則曷於此焉志曰鎮固不足志獨無可識乎今夫鎮星躔虛危疆界齊魯風雨陵谷亦有變恒焉田少山多壤本卽末

攻陶鑿炭亦有土宜焉石城泉池范祠顏廟鎬
鑰明禋亦有經營焉設官百年傳舍五十楹德
結怨亦有寬嚴焉始于悖樸漸習琢雕囂凌詬
誅亦有風氣焉衮衮群公巖巖柱石高賢隱逸
亦有景行焉使於此而闕焉不識是十有四之
一一之十有二亡其一矣進之而六之一一之

十有四又進之而十五之一一之六而俱亡其
一焉卽曰備不足云小無可比乎然其貽天地
之缺陷而不得與於大全也所失亦詎淺歟哉
此鎮先生張令尹趙侍御所以毅然有作而殷
殷於此焉志也余不敏生長閩隄壯遊上國吳
越揚徐交豫燕趙江之左右粵之東南重趼舟

車閱歷頗廣晚而薄宦過井陘涉蒲津弭節酒
泉頓轡上黨最後謫俸青齊其於寓內十有五
已得其十於十五之一一之六已得其五於六
之一一之十四已得其全茲分署於鎮乃於十
四之一一之十二而僅處一焉二先生竊以爲
余志當有不屑於此者余則曰不然曷不云乎

顏神鎮志叙



四

唯聖人爲能通天下之志又曰君子思不出其
位惟不出位然後能通夫鎮則余之位也余舍
此烏乎志然不知而作又所不敢無已則因二
先生之作以爲作因二先生之志以爲志是卽
余之作也夫是卽余之志也夫由是自一而推
之十有二自十有二而推之十有四又推而至

後跋

嘗攷顏神之爲鎮地界青濟星次虛危岱
宗峙於西南渤海濱於東北接長白梁鄒
之山連洙泗淮沂之水有文筆峰鳳凰諸
山以護其靈有孝婦河二女諸泉以毓其
秀達穆陵而據青石控營丘而引淄流泱
泱大觀非特爲一郡之雄藩寔二東三齊

後跋

之重鎮也室每私心嚮慕欲一攬勝修阻
未獲康熙八年四月謁選以銓次得令沂
水便道星馳又不得過籠水一假憇焉先
是吾鄉先輩

拙菴趙公老大人以青州別駕分鎮顏神
迄今三載矣盜戢民安時稔歲稔聞與鄉
先生共謀踵成前謫倅顏神鎮閭中吳菴

葉公祖之志甚盛舉也近於青爲屬邑室
於

趙公爲下僚私喜幸自語以爲當得躬謁
請專城受約束於下執事目是或得周覽
其處竊寄目償所願而邑之凋疲衝繁簿
書錢穀日不暇給無可假而行者又安得
捨職所事以勤館人則頽神鎮又無因而
後歟

二

至焉矣於是瞻望嘆息曰昔廬次榭以未
至南昌觀滕王閣爲恨及購得滕王閣圖
不勝綖戀以爲見圖如見滕王閣焉其與
淵才囊中所携別無長物惟歐陽公五代
史草文與可竹一幅李廷珪墨一笏意色
甚暢者不後先一轍哉古今名人之癖大
率如此室不逮名流而癖寔過之顏神鎮

顏神鎮志卷之一上

鎮通判閩武安葉先登

纂者

鎮通判晉上黨趙良璧

校梓

張聯翼

瀕山

視草

張聯星

葉自根

閩人

葉自本

益岸生

馮文顯

全編次

顏神鎮志



卷一
星野

星野輿圖

論曰在天成象在地成形古之聖人仰觀俯察以二十八宿配於十二次而分爲周天三百六十五度於是有星野又以五嶽四瀆分奠五方而制爲九州又肇爲十二州又封爲千八百國於是有輿圖各有疆界自唐虞以來不可紊也山東古青州西顏神鎮以孝婦顏文姜而名環鎮岩居川觀平原地少五代以前遼遠不論考宋元屬淄州明弘治改屬益都

國朝仍之鎮西南望太嶽東北距海瀕北接長白梁鄒



南連洙泗達穉陵淮汴蕞爾彈丸實二東三齊淄萊
間重鎮也表星野輿圖志

星野

郡志女虛危在子元枵之次齊分野奎婁在戌陴婁
之次魯分野 齊乘志唐一行山河兩界圖曰河爲
北河江爲南河自北河下流南距岱山爲三齊自南
河下流北距岱山爲鄒魯觀兩河之象與雲漢之所
終始而分野可知地志曰虛危爲齊分星曰元枵宮
曰竇銜時曰平州曰青魏陳卓分郡國所入宿農齊
國入虛六度北海入虛九度濟南入危一度樂安人
危四度東萊入危九度平原入危十一度淄川入危
十四度據此則今之顏神鎮星次在危度無疑

顏神鎮志



卷一
星野

二

石橋 分龍泉

掩的

後峪

務店

孝感

顏神

神頭

石炭

隸鎮征調十三社

王家

黑山

八陟

孤山 分蛟龍

戴莊

朱莊 分東西兩社

益泉 分石馬

博山 分下莊

邀兔

鹿疃

西河 分福山

南莊

源泉

顏神鎮志



卷一
輿圖

五

懷德鄉隸鎮征調八社

岳陰

馮家

泰河 分青龍

石門

馬陵 分保全

三泉

栢樹

馬鹿

鎮境各社接壤村名

城東

馮家峪 五里

疙疸灣 十五里

西河 十八里

黑山後 二十里

太河 六十里

馬陵 六十里

據地志卽晉師克

追齊師

城東北

務子莊 二里

梁莊 四里

窩疇莊 四里

後峪莊 十里

庵上莊 十里

萬山莊 潘界十五里

城正北

柳行店 里許

虎埠崖

掩的莊 五里

趙莊 潘界八里

簾箕掌 九里

兩孫家莊 十里

石婆莊 十二里

白塔店 十四里

海沿 十五里

國家莊 十五里

焦莊 十五里

徐家莊 十八里

陰柳莊 二十里

范莊 二十八里

章莊 二十八里

顏神鎮志

卷一 與輿 六

高莊 三十里

磁窰莊 距鎮三十里

城西北

城城三莊 五里

吳家澤 十里

平塔溝 十二里

城西

興隆莊 二里

羊欄莊 六里

伊家莊 七里

錢家峪 十里

姚家峪 十五里

彰義泉 十五里

馬宮寺 萊界三十一里

刷杆莊 三十里

老公峪

胡坡峪

城西南

上門頭 五里

白洋河

萊界十里

樂灘莊

十二里

峭嶺前 一十里

青石關

距鎮二十里

寧陵溝

三十里

城南

焦家峪 十五里

馬杓灣

三十里

城東南

山頭店 五里

石炭塢 十里

水嶺峪 十五里

八陡阪 二十里

浮園灘

二十里

焦嶺

三十里

石馬

三莊三十里

戴莊

二十五里

孤山莊

三十里

朱莊

二十五里

沙井

三十餘里

天浸灣

三十五里

燕神鎮志



卷一 輿圖

七

邀兎崖 四十里

郭莊

四里

盆泉

四十里

源泉 四十里

謝家店

四十五里

尾泉

五十里

博山 五十里

邢家莊

六十里

下莊

六十里

鹿疇 六十里

岳陰

六十里

匙布莊

七十里 係益都西

南境

鎮人庠士鍾山孫國琦考驗頗城輿圖諸峯發自泰

岱逶迤二百餘里紆迴盤折錯起禹山形如鳳翥勢

若翔雲橫列十餘里黛秀西方由此而生西東兩望

魯山穿青石關通石馬莊過朱家莊戴莊復崛起岳

陵山歷楠星山翟氏坐越西河紅渣窩及義全山俗
名乾固爐頂出兩平躍起黑山貫馮八峪至文筆峯
列帳東南巽龍出脉結顏神鎮城關村此山之來龍
也其水渠一自青石關峭嶺前分流由白羊河入神
頭孝河一自戴莊曲流出入陡石炭窑廣山頭亦入
神頭孝河二水自永濟橋南合流左遶鎮城抵范河
口一自兩平馮八峪分流入秋谷由北門外右纏顏
城出范河左與孝水合襟共成一派逕流虎豹崖入
淄川長山新城高苑樂安博興三岔高家巷等方入
海萃河嶽之靈秀徵人物之繁興世變風移有由然
矣

顏神鎮志



卷一
輿圖

八

顏神鎮志卷之一

山川古蹟

論曰自禹敷土奠高山大川每州必誌其山川之有名者以爲鎮望三代封建俱準此法如魯祀泰山齊表東海崑崙與雖小亦主東蒙槩可見矣至于古蹟因人而成閱時而廢昆明鉅鹿銅雀金堤黃鶴樓前羊裘釣處事有曠百世而相感者誠不知其何心情之所與不可禁也鎮雖僻小然秀嶽青環名泉珠湧孝女默感之源先正潛修之處父老猶能言之余故爲

顏神鎮志

卷一
山川

詳志以候職方之續採

山

禹山 在鎮西十五里山陰南北界淄萊領袖群峰綿亘長自諸山城市西望嵯峨如列屏以上建禹王祠故名升巔遠眺泰山近覽川河烟嵐蒼莽綿綿有齊封于里勝槩表爲原山汶淄諸水錯出其間俗傳遇旱禹山帽雲天必雨

八千寨 鎮西十五里南連禹山澗水中流東出爲沙溝河名大峪口

鳳凰山 在鎮西南三里一峯迴注北翔而南折若
鳳凰之矯翼然上建泰山碧霞行宮俗因稱爲小
頂頂西二十餘步石崖內有泉方廣如桌面水深
二尺餘不涸不溢寶泉也迤北山半名夕陽坡建
玉皇宮折轉東南至山麓別爲神頭卽顏文姜靈
泉廟又西南峰委蛇古長城

文筆山 在城南里許開屏列障卽鎮城來脈少祖
山也一名峩嶺一名朝陽坡東峯有文昌祠奎星
樓西峯如蛾眉初以兒戲紫石爲塔高三四尺直

顏神鎮志



卷一
山川

拱文廟後科甲漸盛遂稱文筆峰云

團山 在城南五里下有仙洞卽隆冬草色常青

峭嶺山 在鎮南十里

甕口嶺 在鎮南十八里山形絕險兩岸峭狹如甕

口南連青石關

叅政四明陳沂詩 萬嶺千山一道分向空盤磴
歷青雲丹楓黃菊爭秋色白石蒼嵐共夕曛長劍
倚峯當面立淨琴流水傍車聞秦關蜀棧無踰此
絕險真穿虎豹群

兵憲弇州王世貞詩 千秋此夾谷駐馬意徘徊
蒼嶺峰爭向青天線劃開人疑懸索度木憶建瓴
來回首兵戈地虛生命世才

會仙山 在鎮南三十里上有會仙洞

黑山 在鎮東南十五里山阿中夜有聲如雨俗傳
黑山夜雨多黑石可煉鐵約石一石得鐵二斗諸
冶器取資肇自康熙初年

義全山 在鎮東南十五里

摘星山 在鎮東南二十里

顏神鎮志



卷一
山川

三

岳陽山 在鎮東南三十里

小寨山 在鎮東南四十里

五福山 在鎮東南四十里

轉山 在鎮東南五十里

鹿角山 在鎮東南六十里

魯山 在鎮東南六十里孔子登東山小魯處絕頂

產美茶味甲天下

荆山 在城東關外舊有荆山寺頂有石約一畝廣

相傳文正公諒書處名一畝存寺久廢石尚存後

人建范公祠於山麓

三泉山 在鎮東十五里下有三泉

天孤山 在鎮東二十里

麻峪山 在鎮東四十里

馬鞍山 在鎮東五十里形似馬鞍險削秀麗上有僧房石室絕頂可容千人

郡人大宗伯馮琦詩 天馬蒲梢去已久茲山乃作馬鞍狀萬里雄風生顧盼始知身在層巒上百尺權竒石若盤紅塵不動玉珂寒欲知金馬山聽

顏神鎮志

卷一 山川

色請向銅龍署裏看

金鷄山 在鎮東六十里內有青龍洞

潭溪山 在鎮東八十里中有昭陽洞世傳梁昭明太子修行處南有澗深丈許而崖懸石天成長六尺廣尺餘俗呼仙人橋東山峯巒峭立如燭俗名天燭臺云

萬山 在鎮東北十五里有土洞幽深人莫測其際韓廣洋子修道處

豹山 在城北二里許東北循務子嶺界連黑山諸

峯崖頭突起如豹狀故名

虎山 在城北二里許懸崖高三丈上建鎮武廟爲鎮城水口捍門下有螺星二石夾水左右最爲秀氣河中建有石臺

夾谷山 在鎮西北十里與禹山相聯相傳爲孔子相魯定公會盟處按禹山夾谷俱屬淄地以去鎮近故並紀

抄輿圖備考云萊蕪縣爲古夾谷地交州府嶧縣有夾山以爲卽夾谷并此夾谷而三矣果孰者爲

顏神鎮志



卷一
山川

五

正乎以愚見度之此夾谷離鎮十里離淄川四十里山谷則劣車馬難行傍山並無市店村莊嘉禮不野合二千乘翠華好會曷爲走此荒涼之區至嶧縣之夾山在兗治東南二百六十里乃魯之南鄙也竊意兩君以玉帛相見必于適中之地齊君斷不肯遠離國土而從魯公于南也惟萊蕪縣南距泰安九十里北距鎮亦九十里鎮南有青石閣爲齊魯分界頗爲適中夾谷之會指萊蕪者近是若嶧縣之夾山自是山名不得以山爲谷也俟高

識正之

川

孝婦河 在城南三里水經注作灑水出長城中襄
宇記云古名孝水齊有孝婦顏文姜事姑孝養遠
道取水不問寒暑感靈泉生於室內文姜常以緝
籠蓋之自是不復出汲姑恠其須水卽得值姜不
在入室發籠觀之水卽噴湧壞其居宅遂以成河
故俗呼爲籠水亦名孝泉又名孝婦河後人卽於
泉上立廟使水出廟中堦下砌石爲方塘外建水

顏神鎮志



卷一
山川

六

開使其澄泓渚蓄然後出流成河至鎮北門秋谷
范水會龍泉水入焉北經淄川般水入焉萌水又
入焉又北經長山縣西又北經鄒平縣東魚子溝
水入焉又北經新城縣高苑縣入小清河合流東
北至博興縣又至樂安縣高家港入海

龍王泉 在孝泉南百步出於道旁混混涓涓水噴
不竭視孝泉可三之一上有黑龍王廟不知建自
何年僅容一席康熙辛丑夏大旱通判葉先登禱
於此隨雨乃擴廟而新之有記入遺文

大洪泉 在龍王泉西鳳凰山之南麓冬春不見夏
秋霖雨則懸崖瀑布觸石如雪澎湃之聲聞於數
里真奇觀也合龍王泉諸水入孝河里人戶部主
事李時颺易名白雲泉有詩 白鶴冲霄化白雲
還來山澤伏氤氲神龍夜半行雲雨斥作砰雷萬
里聞

白羊河 在大洪泉南六里許出西山流入甕口道
水南有巨石方廣八丈許俗稱爲釣魚臺

交離泉 在永濟橋北右注率水昔有道士劉交離
顏神鎮志



卷一
山川

七

呪此水有奇異立碣書符於泉上今移於玉清宮
老隄泉 在鎮南十里焦家山水流如線大旱不竭
雨不溢

二女泉 出城南龍泉寺中志稱古有二女純孝所
感遂湧雙泉相去十餘步甃石爲池西圓東方各
廣五尺深丈許激泓濤冽百脉散發潭澤上泛悉
若連珠故明正德間同知周更名玕珠泉而人緣
寺遂號曰龍泉都不知有二女矣然西池南畔二
女堂遺址尙存石柱巋然古碣半滅其所從來不

可泯也兩派

至郭西折至大

祠引注石沼魚藻

樂憇焉又北折至城

南門下分派爲兩一循外墉西注經趙侍御迎翠亭水磴週塘漣漪曲折盡成雅觀矣其經流至城西南角北折過禹石門入西城而北入范水一入南水門又分流焉其瀉者循內墉而西至雲梯北折入泮池又北經廳署西垣下西折出西水門與前水會其平流者自南門而北合范泉支流出北水門入范水其中派則自隅首西折過察院後

顏神鎮志



卷一
山川

八

廳署前西與泮池水會而署內引其餘波北注達觀池迤委蛇軒至雞鳴閣後淮爲巨沼西出亦與泮池水會並出西水門遶西城而北入范水悉渠流故道也康熙年鎮人孫廷鍾又自西門疏派西流北折經前街大街出北閣門由外廡而下注孝婦河是曰新渠西關居民人餘清漱戶聽潺湲矣其開渠引言載著咏遺文中要之鎮泉雖多率臨深岸湍流迅逝疏引恒艱獨此濬派高原曲濬城闕長畦分澗比戶浥清人甚便之間值春夏

而不流則樗辱競集焉人力所及不廢周漑其或
泉涸則大旱之徵不恒見也

虎豹泉 在鎮東南三十里傳孝子王讓廬墓所感
石馬泉 在鎮東南三十里世傳孝婦顏文姜汲水
處其泉八角水味南甜北苦大旱不竭

金駒泉 在鎮東南山頭南峪晶澗可鑿毫髮歲旱
不涸曾有金駒出沒不知何說泉上層巒竒峻形
如卓筆俗呼料遠臺又曰筆山

泉河頭 在鎮東南五十里卽淄水下流按淄水齊

顏神鎮志



卷一
山川

九

大川也出萊蕪原山之陰多伏流俗謂上下十八
漏逕岳陰山東麓有泉名泉河頭水入焉又北逕
馬陵俗名長峪道又東會聖水又東北逕樂安合時水
入海卽禹貢淄水東北至青州博興入海者是也
桑欽水經註不誤

范泉 在城東開荆山之麓秋谷之口范公祠下其
泉方二十步深八尺晶澗見底冬夏不竭其飲吐
之竒不亞百脈肅立觀之泉初出時如魚口噉嚼
响濡細沫忽而纍纍繩貫百道爭飛水難火齊眩

人心目鎮多名泉佳麗當以此爲第一正派從橋上爲石槽導入城北折出木門合秋谷水入孝河

雙泉 在城東關秋谷澗底瀑布尺餘

荆泉 在荆山之陽與雙泉合

觀音泉 出秋谷口合雙泉荆泉范泉遶東關北流

西折至北門會二女泉合流入孝河

聖水泉 在鎮東五十里其水湧躍不亞孝泉流入

大河



卷一
山川

梁莊泉 在鎮東北六里入孝河

倒流河 在鎮東北十里發源溜石澗側西北流入

孝河凡水流東南北注西北故名東岸底石有金星可爲硯溜硯卽此

許家泉 在鎮北五里掩的店南頭孝河之濱

康谷泉 在鎮北五里

沙溝河 在鎮西北十里發源龍伯峪東北入孝婦

河

彰義泉 在鎮西十里

古蹟

長城 東見于荆山環文筆西南至鳳凰山遺址俱存相傳齊人築以拒魯處

秋谷 卽荆山之麓也舊傳范文公讀書處因建祠於此章丘縣志云公讀書長白醴泉寺中公母嫁齊居秋口相去百里往來省親寓跡於此後知壽州秋口卽秋谷也

鎮別駕和清詩 龍泉之東秋谷口湧出寒流激瓊玖誰種長松綠蔽天雲霧兩岸垂楊柳涼透綠

顏神鎮志

卷一 十一
古蹟

袪暑氣微范老藏修歲時久雲間片石讀書臺籃輿直上荆山陡平看翠壁夾長川鳥鳴不見紅塵走相逢月色滿山堂况有清人載斗酒岡南岡北盡桃林問花開後還開否待得春歸約再來招尋肯負攀枝手恣遊何處問高風千載古人吾尙友

營欄 在城西南俗傳爲唐郭汾陽東征駐兵之處時軍乏食顏文姜化爲村婦饋餉且指賊伏處遂勝之後索報無跡始知爲神化今文姜廟中尙有汾陽祠或其徵云

馬棚 在鎮西南九里青石關下懸崖探覆丈餘俗傳汾陽東征歇馬處號大馬棚小馬棚又傳齊閔王伐魯經此

鷓鴣洞 古蹟避亂處在石炭塢南峪舊有巨鷓鴣巢於洞上若伺守然近山民毀巢鷓鴣不至

阿峪雙洞 自小龜山迤西北南岸懸崖數丈洞居山半盤旋三層中注活水不溢不竭又雙洞錯峙穿巷兩戶若天設非土著不悉

白石洞 在鎮西北十里接夾谷山鎮人趙進美覽

顏神鎮志

卷一

十三

古蹟

勝易名曰過雨巖臺日霜煙臺有記 入白石峪

二二三里多桃樹一徑在蒙茸中拒蹇足者又里許

忽有數百丈石巖真如張屏松形如蓋纔二三尺

根出石上幘巖而生巖下有地畝餘外卽深谿道

上畧施垣戶巖俯之稍忘風雨日霜煙台道士言

半夜嘗有大石走巖上若雷忽落谿下亦不怪也

循巖而南徑纔受趾木葉傍蔽得安去望屏離下

二丈許手足在石罅踏人肩作蹬上垂手引之半

執繩猶縮縮無人色匍匐入便溺明可一聞有穴

可通數處爲道士所塞近外鑿石長可六七尺孔如圓月臥而下視百里中山川因地慨然滿目在岸下初不知有窓隙但崐石中忽見頭面且聞人語也遽呼酒樂甚時三四小伶或吹簫吹笙吹橫竹吹霜管山石若裂又若雲氣中風將吹去客有不能登者布席穴下聞吹聲皆仰視余作詩一首詩亦恍惚不知是何等語孫依之仰臥快書之甚淋漓相勸數合而下復循巖南折東數百步爲石室泉從石隙下極寒冽道士云雖大旱可供六七

顏神鎮志



卷一
古蹟

十三

人至此巖愈崐不得往遂返霜煙台日已落乃留道士相牽而下未出峪已昏黑回望一星熒熒然知其構燈矣

附詩 岩石旣奇絕千仞倚苔蘚所貴上高寒俯視下深遠細泉都逶迤短松亦鬢髻偃臥夕陽中喚起看煙滿

巖高林亦深山靜石乃出石罅聞人聲仰首見落日吹笙數大嚼遠懷正瑟瑟微步巖腹中雲氣已至膝

顏神八景 雲通判山右任齋和清詩

黑山暮雨雁飛斜
峩嶺晴嵐啼亂鴉
春水澄清遊婦澤
陽坡繞翠近人家
禹山積雪陰無日
仙洞春地早花秋
谷高風賢址在珠
泉印月煮新茶

顏神鎮志



卷一
古蹟

十四

顏神鎮志卷之二上

鎮通判閩武安葉先登

纂著

顏神鎮志

卷二
一
城市

城市關梁

論曰上古之世穴居野處山無蹊隧澤無舟梁民有老死不相往來者遐哉邈矣自黃帝作城居民神農日中爲市三代因之文王治岐關市澤梁譏而不征設而無禁至孟夫子時始有爭城以戰壘斷以登關以爲暴輿以濟人之事亦可以觀世變矣鎮先未有城屢被礦賊蹂躪自嘉靖丁巳王弇州先生築石城百年以來士庶安堵昔人之勞其可沒乎市如西關五日一集雖無他重貨四遠之外載粟以易械器而

鎮之閘冶亦得以其械器易粟關如南十里青石關
雖今車書六合擊柝無庸然昔爲齊魯咽喉頗嚴控
扼至若徒杠之利民如東之荆山橋南之永濟橋俱
當孔道皆砌石爲之往來稱便焉皆可志也

城

明嘉靖三十六年青州兵備使者吳郡鳳洲王諱世
貞准本鎮士民孝廉趙敬簡等呈請建城事申撫院
傅公願按院段公願言批允委知府李公尙智
本鎮通判倪公雲鵬偕諸城尹季公永康
倉州 臨淄

顏神鎮志



卷二 城市

尹衛公心陽城人親詣本鎮踏勘於嘉靖三十八年三

月庀材鳩工越五月而工竣城周圍三里廣五百丈
四門南曰龍泉北曰范河東曰荆山西曰禹石南北
西三水門以龍泉范水爲池雉堞七百三十高丈許
內外俱石砌計費官錢九百餘緡荒野百餘年來忽
增金湯萬世永賴有濟南李于鱗修城紀碣在察院
儀門左

青州兵備副使王世貞碑序 世貞不佞既已城
顏神則諸父老走李先生文記之而李先生雅善余

故於文稍過非當不佞中丞公侍御公之教也與二
三大夫士之謀也余惡敢雍容而坐顓之余不佞又
惡敢雍容而顓諸父老之力以爲已功諸父老從子
弟蒿萊其畝日夜拚胝將事矣卽因材于山高下陂
卑也也忙減省它費十之八九而寧無一二酒藥飯炊
之費以勤諸父老二三大夫士爪分版築杖馬筮而
人策之亦旣勞止華路車也藍縷以啓茲城拮据切
切實惟二三大夫士與諸父老共其何不佞之有不
佞則勞復隱虞焉爲諸父老城顏神者城之世耶將

顏神鎮志



卷二
城市

三

縣之也城之而前使者以藹計躡嚙旁喝迄靡敢動
今不旋踵而告成事諸父老業已受賦二百里外不
勝其煩附庸卽百雉之崇易易若是規而縣之則可
縣之將爲若置令丞蠲役毛供齒人於衽席間哉而
割二邑之膏壤使其民與諸父老並削而樊笈大左
不敢也語云見已然不能見將然卽令今決城縣利
害與它日身所受本末岐異矣然未可箸數而舌析
姑以明余志耳余不佞敢遂藉二三大夫士暨諸父
老子弟姓名係之碑陰而傳以銘銘曰顏姜之山厥

陽瀉南夾谷造天縮穀其口萊新西控淄益東走五

民居之匪利南畝作為奇袤即山而取盜鑄椎埋

跗是上味末巾也首矛鈴日尋何戎不奔唯余睥目睥音

汗出目貌也靡富靡穀本之不探而末是矚厲我父老

以勤版築薤野罄室壺箚道屬唯茲父老藩屏是篤

石城峩峩可以礪鏃危剛冠領腴泉滋腹在易有言

設險守邦衛以武師周以崇墉遏軋亂萌毋使蔓張

毋若安之薄征厚藏刃鍛鈎喙在矢大槍銷為鋤耰

趣而農桑比屋典讓遵彼周行牧臣辜言敢告職方

顏神鎮志



卷二 城市

四

崇禎十二年己卯兵荒鎮東南一帶山谷不靖本鎮

通判董公重雄縣人倡議紳民捐貲建敵臺九座鎮

人又議城垣太卑且二面逼近山埠慮難守禦時際

青州兵備張公問行易州人南出過鎮士民以城卑請

增議孝婦懷德二鄉協築免修府城之役准如議即

委董公商確添增有差人皆樂輸不假催督磚石就

緒未幾公以察去事竟寢

舊制城頭南樓晨昏鳴鐘公署傳漏崇禎戊寅年修

備防守四城地方捐造成遠大砲五位每位重

斤中砲二十六位佛即機
杆火鎗
杆西洋

鏡
杆鎧甲
副鐵盔
頂俱在庫冊

市

西關大街八巷
每月三
八次集
西關西冷街
琉璃市

東西兩門街
每月一六日中
集四九日小集
北關稅務街
窰貨市

山頭店
窰貨有市斗
西河
每月二七日
中集窰市

八陡石馬二莊
鑄錢有
市斗
南下莊店
有市斗

盤店硝店布店榆皮店木炭店
諸行沿革無常

開

顏神鎮志

卷二 關梁 五

青石關 鎮南二十里登嶂峻崖深峪紆折車不容
軌騎不並轡誠哉天險雖井陘劍閣不是過也

燕分界青州至泰安道必由之

梁

石橋 在文廟東北街口津池水經其下

荆山橋 自荆山之西麓跨而亘於東關橋上有石

槽范水經流橋下即秋徂水其流甚淺然雨潦受

東南諸山峪之水暴漲激駛非橋亦不能通也橋

東山徑通西河源泉太河馬麓朱崖等社可達都

城

范河橋 在城北門外秋谷范泉諸水合流其下

永濟橋 在城南三里跨孝水之上爲泰安孔道橋
高去水一丈戊子年山水驟發高橋數尺石欄漂
去復修其寬可並二乘三騎橋西直上小泰山南
折大路

顏神鎮志



卷二
關梁

六

顏神鎮志卷之二下

風俗物產

論曰君子之德風行乎上者也有風而後有俗成乎下者也司馬溫公曰上行下效之謂風薰陶漸漬之謂化淪胥委靡之謂流民心安定之謂俗化者風之積也流者俗之衰也故操風化之權者不專責之流俗觀至魯至道之言則子之所以用齊魯者可知矣至於天地生物人有恒產自昔大禹定青州之貢蓋絺海錯繇泉鉛松怪石槩絲從乎物者也田惟上下

顏神鎮志

卷二
風俗

一

賦惟中上從乎產者也三代因之其取民也有制其供上也不煩迨周之衰管子治齊務盡山澤之利從人遊說不遺棗栗之微其於用民爲已亟矣小雅是以有二東之嘆也遯降至今物產日窮而風俗日侈香社祭棚糜費不貲衣服飲食華靡相高晏子曰寸管無當天天下不能實以粟三尺童子操徑寸之烟天下不能實以薪勤儉之不圖而欲物產之無窮其可得乎管子曰倉廩實而後知禮節衣食足而後知榮辱死亡之不免而欲風俗之不偷又可得乎是故欲

厚風俗先豐物產欲豐物產必學勤儉况鎮雖有陶
冶而無稼穡饑饉所資皆取給于隣境一遇荒年閉
糴煤煤鉛鐵琉璃丹礬其可炊而腹果乎思及於此
則奢侈之風俗其可不知所變計乎合而志之蓋於
此不勝惓惓云

風俗

正月 元旦拜天地賀年同上元士民家門前各
燃小磁燈二盞好事者醜錢賽會十六日多謁廟
祈福者薄暮引燭走石橋

顏神鎮志



卷二
風俗

二

二月 二日貼禁讖帖文廟先師上下致祭十日
者主其事

一 月 上巳不作清明祭掃先塋婦女戲鞦韆與
各處同有司致祭顏夫人墓及其公姑墓則禮以
義舉焉

四 月 十八日鳳凰山小頂香會四方農貨畢至
歲以爲常

五 月 端午懸艾虎餼角黍飲雄黃菖蒲酒同

六 月 六日晒書籍及衣裘等物同

七月三日順德夫人廟香會如小頂七日乞巧
中元普度同

八月上丁文廟秋祭中秋祀月饋月餅同

九月重陽登高賞菊同

十月朔日祭先墓製冥衣謂送寒衣下元不作
十一月冬至不拜賀

十二月八日吃臘幣廿三日祀竈除夕掛門神釘
桃符貼春聯響爆竹春日食春餅飲春酒俱與各
處無異也

顏神鎮志



卷二
風俗

三

按以上歲時節慶天下皆然惟香社之會頗屬不經
又有紳士出殯一節繁費太甚其未殯之先本家自
中庭及於門外扎棚結綵以待弔客出殯途經之處
則有路祭棚墓所則有停靈棚重樓邃閣廊廡齋厨
無一不備墓前則有大祭棚寬廠軒豁與停靈相稱
外有影壁點主棚候客棚每棚規制俱如公署大約
以上諸棚非喪主自爲徃徃藉姻鄰族戚分任之雖
一人任一事証無所辭然重者費數百金輕者亦費
百金掩安即撤是數月而爲之一朝而毀之始之焜

耀山谷輝煌道路者終如燦電霏烟歸於歇滅亦何與於泉下人而直爲此無益之觀美耶愚嘗與弔巖而與諸先生迂譚及此諸先生未嘗不以爲此習當變然而終不敢輕議者有二說焉一則以前人而旣行之矣薄親之名不可自我始也一則以我旣有施於人柰何不責其報夫施而責報報又將復施宜其循環而不能已也愚於此亦爲二說以解之曰前人行之安必不心知其非以爲姑從衆焉後當有爲狂瀾之砥者苟一旦能明先王之禮以斷世俗之疑所

顏神鎮志

卷二
風俗

四

稱善繼善述者非耶何謂薄其親也至於施不責報閭巷有俠氣者類能之况於薦紳大賢者尙沾沾於此乎語云在夫之言聖人擇焉或可備高明之采否又里俗葬前一日薄暮攢贊一奠柩前喪主具盆酒歎曰伴坐屬纊三朝群衆郊外觀哀日陪勞民間送葬川鼓吹響砲非禮也又有結會一家有喪同會飲錢相助是矣近習於靈前陳設水陸大盤高頂一席饌費至數金祭畢群爲酣飲謂之神餘禮奢寧儉皆宜禁止

禮重婚姻人道之始男必十六女十四歲允必主婚及已身無期以土喪乃成禮文仲子曰婚姻論財君子不入其鄉重德也納綵納幣各有品制勿競貧富至親迎日婚盛衣至女家主婚者迎入婿見兩拜筵畢簪花紅姆迎入內拜共兩禮不答拜禮畢婿先出乘騎新人登車後隨鼓吹前導至夫家土俗新人足不履地或鋪毡接引入室交拜舉饌案飲合卺盃次三朝夙興俗禮如母家遠卽借別親居停移時日躲苛索後乃拜祖先祀家竈拜翁姑或三六九等日婦顏神鎮志

卷二
風俗

五

母家隨俗行饌飯禮

齊魯多文學之士鎮居二國之間儒者閉戶懸梁磴徑自好有非公不至之節有犯而不校之風村下細民山栖谷汲女織男耕深居簡出短褐不完有懷葛之風焉其近市者至有長裾縠紕以黔首而貌儒者之衣冠珍饒充案以僕隸而效薦紳之飲饌不惟妄費亦且無等皆宜禁止

昔患礦徒自開採嚴禁之後此患遂息東南山中人鎮下多結癯婦女尤甚相傳云山中乏

泉多飲砂石汗潦之水積漸所致理或如此或云山
中多平柳木其葉漬水食之生癭又云食海帶菜可
以消之書以備考

邑人太保公邢玠刻崇儉約給練公大司空鍾羽正
崇儉序悉詳青州風土志鎮人伊陽尹後學張聯翼
重訂儉約六則

一書劄古人以竹版通名不削牘也今約鄉里拜帖
吉書紅單常見白單止書拜字如少年與尊親加
百拜二字禮東常用四幅古折如禮物不盡上下

顏神鎮志



卷二
風俗

六

分開請帖止寫某日請教不用文詞或尊官遠客
間用全柬者決不可施於素交常見之中也凡名
帖無啓事不用封袋至護封原爲公文關防機密
尋常不必用

一交際間前輩鄉親往來殺菓四色酒一盅或携盒
酒舉賀有邀三五人共一榼酒者何簡雅也嗣後
競侈有因而廢家廢禮者甚至較厚薄成嫌風斯
下矣今擬大禮從宜用幣其尋常自一色至八色
一錢至五錢皆足成禮不可增加

一宴會俗以奢爲厚今約大會每二位一棹菓菜各四碟葷素十二器米麵飯四道小會圍坐或四人六人葷素八器小菜四碟不用菓米麵飯三道非違客官席不用獨棹不加湯飯僕從止一湯一飯求飽而止尋常偶坐葷素四器米麵飯各一碗蔬酌清談適情而可

一婚禮士庶各有等品官用羅紵庶人用絹布一品至四品綵緞八疋五品至九品四疋二疋士庶不得踰兩疋近俗誇鬪甚至廝婦用金珠着綾紵僭

顏神鎮志



卷二
風俗

七

犯不顧蠹風極矣今約聘幣如釵釧羊酒菓品雖隨鄉俗不得踰制昔范文正公爲子娶婦焚羅幔於庭千秋芳規也凡送嫁粧奩止求切身急用而止

一喪禮稱家有無非儉也習俗靡靡倩助於戚里竭力於浮文今約士夫隨品級增减庶民止許用冥器一事功布三尺旛樹數杆喪車紙帷至牲豕誌石具有定制各宜恪遵塋前除用蓆薄搭蓋停靈棚拜棚餘棚概不必設青道台禁其衛隸治塋用

鼓吹揚旛鳴鉦可鑒

一冠服虞典五服五章以辨貴賤也

國朝品官有補服自雲鶴以及練鵝有常制爵冠有頂
自紅白木晶以及烏角有差等卽舉貢生儒雀頂
鑲襴井井有辨經制既定疇不恪遵至於尋常服
飾宜從朴素而肆廬儂薄之子往往競尚浮靡其
或菜傭有力者俱履雲頭服統綺廣廈高歌軼於
公卿矣風化攸關司世者其宜究圖焉

物產

顏神鎮志



卷二

八

物產

穀則黍稷麥菽惟不生稻至於芝蔴木綿藍靛紅花
麻泉葛條可資衣食之用者并志之

蔬則芥藍紅白蘿萵萹苣山藥蓮藕瓜瓠豆莢葫蘆
茄蒿芹菟薇蕨蔓菁蔥韭芫荽惟不產薑

菓則梨柿棗栗桃李石榴山查櫻桃蘋婆杏柰木瓜
葡萄核桃白菓文官菓至於梅間有栽者金橘香

圓亦自南來善養之俱能開花結實人力固可奪
天工也

花則牡丹芍藥海棠薔薇玫瑰紅白蓮各種菊鷓鴣粟

蜀葵紫薇金錢石榴地棠鳳仙木槿錦葵鷄冠玉
簪茶藤紫鸞夾竹桃洛陽錦秋海棠雁來紅木芙蓉
向日葵珍珠百合丁香結香迎春探春素馨臘
梅紅白蓼萱花金針胭脂花金銀花山丹射干馬
蘭至于紅白梅桂花茉莉南中盆花多有至者然
不耐冬寒卽有巧藏者終不旺芭蕉則可種能花
棕樹冬藏夏出亦可活數十年

木則松栢榆槐楊柳楸檜椿檟梧桐桑楮椒榭梨棗
平柳又間出小竹宮室器用土產自足又何必於

顏神鎮志



卷二
物產

九

榿楠杞梓哉

藥則天南星半夏防風荆芥柴胡天麻天門冬車前
子黑牽牛何首烏芍藥紫草蒼朮桔梗王不留行
射干黃芩金銀花杏仁桑螵蛸香附子枸杞子萹
蘇子桑寄生艾葉薄荷紫蘇黃精皆上產不一種
獸則牛馬騾驢羊豕鹿兔犬獾獐麇狼狐往昔無虎
豹近恒見於山谷若牛馬之皮可爲韋筋可爲弓
骨角可爲器羊之毳可爲絨兔之毫可
爲穎鹿與狐狼之皮可爲裘皆服用之需富強之

實也長人者能爲之勸而不爲之厲則蕃息之利溥矣近又有野豬能害苗農特患之

禽則鶩鴨鷄雉鳩鴿鴉鶯燕雀鶴鶉布穀促織八哥啄木鳶鷂善惡兼有至若鶴之清標鴛鴦之文采間有蓄者非鎮產也又如蜂之採蜜辛苦爲人作甜勞而不伐德而不屈似有道者蟬之候時而鳴飲露而說語默因時氣質善變可方君子羽翼雖微其與嚇腐鼠羅網羅者相去豈不遠哉故特志之

顏神鎮志



卷二
物產

十

鱗介菱蒲之屬鎮無湖浸不生此物無可志者

布帛之屬則有椿椒柵之繭可爲紬桑之絲可爲絹木綿可爲布如漢書所云齊俗好侈爲水紈綺縠純麗之物無有也豈昔侈而今變耶然椒紬希有椿紬真者亦少惟柵紬鎮產頗佳間有以絲綿襪之者於厚真必有贗其來舊矣

石則淄石出鎮城東萬山倒流河東岸澗底類欵硯有金星頗發墨製湏良工載淄川益都二縣志元隸盤陽明以來隸益都故並志之然所產有限歷

代斲取已及黃泉藏諸水底者殆不可問矣

藤產則鉛鐵炭煤黑白礬黃丹紅上五色琉璃大小
黑磁及砂窰磚瓦之屬鉛鐵所出有限不能及遠
煤則鑿石爲井有至二三百尺深者煉而爲焦以
供諸冶之用白礬久廢黑礬色綠乃煤中堅磧煉
而熬之烟氣極惡業此者多廢疾紅土其滓也黃
丹則炒鉛而成丹賤仍改爲鉛黑磁粗重可行數
百里然獲利亦甚微至于琉璃珠燈碁子簪扣等
物費多工料始得成小人借以謀衣食亦云艱矣

顏神鎮志



卷二
物產

十一

不足侈也伊可念也

顏神鎮志卷之三上

鎮通判閩武安葉先登纂著

顏神鎮志

卷三
建置

建置饗祀

論曰夫有其舉之勿可廢也言乎創守之相承也不
有廢也何以有興言乎盛衰之迭代也若夫愚民可
與樂成而不可與慮始非有仁心爲質而具大過人
之識與其才者焉能創非常之原而貽無窮之利者
乎余於顏神鎮石城之建而竊嘆弇州王公之才識
爲不可及而仁愛樂人者深且遠也假令公當時而
過自好欲無受勞民傷財名如歷下李先生所云必
城自地出而後可然地旣不能自出城而道旁之築

粟志義復難恃脫復變起倉卒如昔者與氏姚氏及
妖女子故事勿論所蕩焚卽芻餉供億其費豈啻十
城哉乃公則毅然獨斷率其大夫士父老子弟瓜分
板築杖馬箠而人策之五閱月而城成距今順治之
十八年纔百有五歲而東牟忽有小寇之變海岱之
間風鶴騷然鎮獨恃城以無恐余不敏備員於茲亦
恃城以施修捍蓋至是李先生之言一驗而王公之
仁愛與其才識洵哉其不可及已康熙元年秋七月
久雨東北隅城址爲范水所齧城從而崩者二十餘

顏神鎮志



卷三

二

建置

堞時渠魁未獲人心尙盪盪不自安余躬視畚鍤督
匠傭輟寢饋者十晝夜而城復完聊爲公效補葺於
萬一亦曰有其舉之勿使廢云爾敢言肯構哉若行
臺廳署之設在未
有城之前文廟顏廟范廟又在行
臺廳署之前出政之所有賢典型之地時廢時修有
司勿敢懈也以至玉皇閣城隍關聖三官龍王等廟
龍泉報恩增福等寺其來已久亦在舉而不廢之例
任緇羽輩自爲剝守可耳又若龍泉寺與而二女亭
逆廢盛衰之際殊令人慨然至於演武場之設建威

消萌與城表裏自民壯裁而堂鞠爲茂草今其塲漸爲僧人所墾伐雖名假地收籽以供香火然漸墾漸闕置之不問數十年後安知不并其塲而盡竊之哉余三年矢圖脩復而事未逮竟以舍芸謫去胸中惟此一事未了聊志於此以待其人

石城 詳見城市條下

廳署 在西門內嘉靖元年建大堂五間右書吏房左皂隸房各三間儀門三間門外東爲上地祠一間又東爲寅賓館三間西爲獄設門兩重內男監

顏神鎮志



卷三

三

三間女監三間獄神廟二間大堂後二堂三間住宅五間東西廂房各二間宅後通判葉先登新葺委蛇軒五間軒後大高樓一座前通判南樂魏怡自未有城時泐建登高望遠四面山色映帶亦巨觀也一名鷄鳴閣閣後空地三四丈繚以周垣垣外重墻六尺爲更道前通判邯鄲郝大猷又於二堂之西隙地構書室數椽南鑿一池橫六尺縱四尺深八尺引二女泉入注之名達觀池有記載遺文歲久室圯池淤通判香河劉之鵬葺而澹之未

幾去余乃因其工而竟之額曰茂對齋池仍舊名
又於池之南剏草亭六柱時天旱禱雨立應亭適
成觴諸薦紳而落之侍御趙受介題曰喜雨亭余
作詩歌以紀之而自書其柱曰亭錫佳名喜雨不
妨同愠樂池仍舊制達觀聊且共沉浮亦猶郝公
之意云池中水注滿出西墻外北流東折仍入內
宅經寢閣簷下靜夜枕上時聞潺湲聲又北折繞
鷄鳴閣後復滙爲池池土有隙地畝許蒔蔬種菊
無所不可二堂之東有隙地爲馬廐東墻外有空

顏神鎮志

卷三
建置

四

地三四畝舊爲射圃前通判劉分桂於圃中構一
小亭四畔種菜自給扁曰美芹後遂因之而射圃
竟爲蔬圃矣亭圯僅存一小屋園丁居之題額尙
在大門三間門外左右鼓亭二所照壁一座

捕盜衙役書吏 名門子 名燈籠夫二名傘扇夫

三名轎夫四名

以上俱
給工食

縣

快手八名民壯

各原係正德年間兵部題准撥青州道屬團操民
壯五百餘在鎮操演防守取食於淄新萊壽高蒙
六縣在各縣賦役全書中後裁留一百六十名至

國朝順治五年全裁餘手七百五十名傳自建城簽揭於孝婦鄉徭冊每三戶集一丁俱團操或聞警征調無額設工食自經制全裁民壯後緝捕乏人常川用餘手各丁控告青州道批准候議行

巡檢司 據金元各碑記載有顏神店巡檢徐馬詳莫考嘉靖三十六年鎮舉人趙敬簡率耆老等呈謂鎮雖已設官無僚佐相屬進退無城池可守誠所謂獨坐窮山放虎自衛者也於是築城而以樂安巡檢移署於鎮務理焉署在西門外迤南大街

顏神鎮志

卷三 五

三間後宅三間左右廂房厨房馬廄各一間康熙元年巡檢紹興魯坦重修 司役書辦一名弓兵十二名 工食七十兩 益都縣支

行臺 有二所一在廳署之東弘治十年勅建嘉靖二十一年重修萬曆三十九年通判關中趙存誠又修之順治十八年通判閩漳葉先登又修之俱有記載遺文一在文廟之西勅始年月與東同近被衙役占住通判葉先登清出於後一進建敬樂堂與文廟相配纔竣工欲於前重修二進以復行

臺之舊而謝事去矣豈造物之忌完耶扣留以有待也

鎮人知 縣樂行言舊修行臺記 顏神古巖

塞也西距大藩東連青萊諸郡實爲通省孔道舊有行臺留憩往來巡行使者然而歲久傾圮殊甚弊不堪處先事諸君子每每議修葺之竟以避興作名憚勞弗爲也庚子春崇信趙公由武城令分署茲鎮見其堂屋頽敗毅然以此爲起廢第一事然而視事之初未遑也伯逾年捐俸金糴谷二百餘石復請於諸

顏神鎮志



卷三
建置

六

上臺得丁夫以佐其役命兵校公胥以督其工盡撤其舊卽其故址而重修焉朝經暮營曾未旬月而締構俱完遠其中峻其基崇其制規模之雄十百其舊其制也壯而弗麗宏而不僭其費也出已之私財何民之餘暇其役也丁止一鄉夫止一周故民不擾而事集財不歛而用足不匱不撓績用有成四方客至莫不嘉嘆以爲有閑麗清嚴之規而趙公竟存愛人集事之美名工之成也余適以先太母制歸里中屬余爲記余方病世之仕者傳舍官署故寧處畢居陋

使客至者無寧居而踟躕俟代此實非人情也良以營私之念重故弊弊相仍無葺時耳不則苦役我輩以奉其上而民尤不堪命矣斯二者其與趙公何有公故關中高士下車卽以乞休林泉爲請視世味淡如也其賦性也真而無僞廉而有爲儉而中禮故能經國如家始終一致視世之去住二心家國與治者又不大相逕庭耶矧公舍在政實所當葺倘事不可因而復以弊弊相授是終無葺時矣公豈斯人輩哉公旣思恬退宜不復問及官署而建置若此所謂一顏神鎮志

顏神鎮志



卷三十一
建置

七

日居乎其位則一日業乎其官者惟公有焉夫一舉而衆善咸備固所宜書余故書之以彰其美非直日記歲月而已也

國朝康熙元年前秘書院檢討閩中葉先登重修記顏神鎮四面環山帶水實濟青二郡之要害也明弘治十年從撫按二臺請始於鎮建行臺每歲冬春則青備兵使者憇棠於此示彈壓焉使山中莽伏諸不逞毋生戎心然尙未有專官也至正德十二年恐按御史黃以礦賊李可大之亂奏請於鎮設立通判一

員專司緝捕官制裁青而職掌兼轄濟之蒲長萊新
四邑尙未有城池與衙署也官至者則以行臺爲治
所至嘉靖元年始別建公署三十六年兵憲弇州王
公始築石城自此倅歸其署上官罕至遂爲僻舍風
雨漂搖之鼠雀穴穿之日剝月削陂陔傾拆勢使然
耳易不云乎革其故鼎其新人事也而有天道焉時
至事起有莫之爲而爲者嗣是嘉靖二十一年一修
又至萬曆三十九年一修溯修之之前後二年太歲
俱屬辛丑大約土木經六十年必壞壞則必修所謂

顏神鎮志



卷三 八
建置

時至事起待乎其人也余以順治十七年庚子冬來
蒞鎮未匝月兵使者行部且至館人以行臺爲請余
躬視之門以外糞壤堆且盈尺門以內藜之刺茸茸
牽人衣登其堂則椽朽棟折瓦踈仰觀觚榭如將下
擊狀令人凜然不敢久立因拭遺碑讀之則前辛丑
崇信趙公存誠重建抵今適六十年蠹壤固其所也
明年太歲又屬辛丑而余適來殆俟我乎遂私以興
復爲已任抑又念未信而勞君子所戒余甫受事冷
署而慨有侈心如力何旣而自春徂夏間以薄俸之

入節儉所餘者稍稍易置竹頭木屑秋七月詣郡以
其事白兵使募軍陳公太守岐崗夏公二公避余志
各助金有差度材用頗具乃卜吉鳩工復檄益都縣
令池爲泮籍孝婦一鄉懷德半鄉丁夫助傭役人只
一日不苦也又擇吏與鄉民之廉勤者課督之凡七
旬而告竣大都取苞固不取虛餽尙遠潔不尙華麗
前爲堂五間東西隸房各三間堂上月臺植二栢以
存栢臺之義左右植雙桐他年青柯翠葉鳥止鸞棲
追念手樹之人庶几摩挲可識後爲室五間簷前作

顏神鎮志



卷三
建置

九

舟亭四柱翼以扶欄庭中蒔桃李竹菊諸花木復爲
短墻而東其門以別內外墻外東書吏西廚房各三
間中爲甬道儀門三間東角門內古碣一片卽嘉靖
年巳未築城記碑陽滄溟李先生碑陰弁州王先生
自記也二文巳載郡邑志而手蹟實存於此大門三
間門外東寅賓西府廳二館各自爲門墻小院前爲
照壁左右建轅門設柵欄命館人謹其啓門以絕穢
溷行臺之樂具是矣斯役也適際六十年鼎新之期
又惠徼上下同心協力是以功成之速昔弁州成鎮

城而歸功於大夫士與父老子弟余於斯役亦然故無事侈張夸詞而第質言其始末如此後六十年當有嗣余而興者則斯言其左券矣

城隍廟 在南門內東逼城大殿三間後室三間左廚房二間羽士居之前左右廊各三間二門一間西土地祠一間大門三間外門向西一間鎮署朔望謁祭

文廟 在西門內廳署之西南相傳郝自朱元設山長以主之年代莫考石馬村古佛院碑載至元二

顏神鎮志



卷三
建置

十

十五年益都縣顏神教諭鄭琥書恐卽是嘉靖間通判羅重修萬曆間通判劉分桂又增修之崇禎甲戌通判虞紹唐又增修之大成殿三間先師四配十哲神像取模曲阜爲最真他處所無東西廡各三間七十諸儒先賢儀門三座門東西爲碑亭者二中泮池引二女泉注焉坤入艮出左右藏器所更衣亭各三間前櫺星門三座木坊一座康熙元年通判葉先登又重修之復於廟西隙地新建敬樂堂二間規制與大成殿相亞每歲春秋鎮署

卒諸生行釋菜禮

按孔子生於周靈王庚戌二十一年八月二十七日庚子日甲申時卒於魯哀公十六年四月己丑日溯之始生計七十二歲葬於魯城北泗上自周歷秦漢迄今千百餘歲帝王玉步遷改孔廟奉祀如一經累朝詔正諸神封號惟孔氏不移明正統三年禁祀孔聖於釋老宮以別尊也海內文廟春秋統祀上下日顏神例備鹿兔羊各一豕五奠帛九各貯一匣芹藻羞粟苓芡醯醢籩豆諸器於丁祭前一日俱備呈驗官

顏神鎮志



卷三
建置

十一

府鼓吹導引詣廟省牲中夜預設庭燎燈燭主祭者具朝服三獻分獻四官缺員以諸生序齒如儀行

弘治十八年郭聰重修孔子廟記

斯廟之設其

來遠矣考之古碑始於元統三年舊制有講齋堂櫺

星門戟門之屬凡春秋仲月上丁日里士大夫行釋

菜禮嗚呼世經離亂舊制不存洪惟我朝尊崇儒道

斯廟復興柰年久爲風雨鳥鼠之害狼狽太甚適弘

治己未秋本府推官陳公天祥

蕪州人
進士

行部到鎮拜

謁先師瞻廟貌之荒蕪起斯文之慨嘆乃哀其鄉老

而告之曰孔子乃萬世之師也今殿蕪狼狽如此汝輩能無尙義而爲之修理者乎語畢衆皆曰斯廟乃顏神之勝概一方之依歸今明府與言及此吾民敢不傾心盡力以成厥事乎由是各出材木磚石之類數宇爲之華采墻壁爲之粉飾引水爲渠鑿石爲沼又購民間地前立櫺星門後立戟門煥然一新儼若邑居之學也吁公之心盛矣哉雖然廟貌固美碑記未立弘治乙丑春府照公郭聰因理香政至鎮會監生馬公堂商確立石以彰前事公之心與陳公之心

顏神鎮志



卷三
建置

十二

可謂同一忠愛之誠也是爲記

演武堂 在城北郭外自築鎮城以來原設壯快有五百名於益都淄川萊蕪長山新泰蒙陰沂水臨朐安丘等縣領給工食每月赴演武場團操凡六郡地方有盜賊皆得捕之後漸裁至一百二十名又裁至八十名迨

本朝盡革其堂遂漸頽塌今徒臺址存耳臺下地可四五畝今爲龍泉范祠住持僧乞於左右隙地懇種子粒以供香火中間尙存一甬道東牟之變余召

集各社鄉勇於此訓練可容數千人聲勢遠傳逆謀潛阻則此地之大有關係明矣余於康熙元年冬已庀材鳩工爲興復計適以代庖中止至今遺恨云

稅課局 相傳在務店離城一里不知設於何代革於何年署基已無可攷但土人猶稱稅務街尙存其名也

順德祠 在城南五里以孝感靈泉宋熙寧封順德夫人元封衛國夫人歷代碑記載遺文可考順治

顏神鎮志



卷三
建置

十三

十四年巡撫山東遼東耿焯賫助工銀一千里先生太宰大學士孫公侍御趙公募修至康熙三年竣工大殿三間後寢殿三間殿左身始祠王友祠殿右父母祠汾陽祠殿前泉水出其下左右廡各三間中建香亭大門三間照壁一座自唐天寶間廟戶掌香火者四家郭傳邵舉世載碑記

宋咸平六年癸卯重修記軍事判官宣德郎試大理評事周沆撰承奉郎守殿中丞通判軍州兼管内河堤事上騎都尉借緋魏得陞 金紫光祿大夫檢校

吏部尙書使持節博州諸軍事博州刺史克本州屬
練使兼御史大夫上柱國武威縣開國伯食邑九百
戶知軍州兼管內河壩事兼管勾淄齊沂密登萊等
州捉賊公事安贊

文節錄

孝爲天地之經神乃

陰陽不測生當異矣死則廟焉顏娘之神是其徒也
事姑至孝汲水爲勞聿有靈泉潛生密室當籠覆而
湛處外莫知其感通暨源發而派流衆方駭其靈異
孝婦之水因茲以名圖經備詳此得畧述屬以年禩
寢遠祠宇久隳會博州牧守安候奉帝命治郡事齋

顏神鎮志



卷三
禮祀

十四

心謁廟至止周覽思□葺完遂乃召班□之徒度材
木之用凡所匠費悉自俸金不再浹旬來告工畢室
連甍而大壯墻坊粉以過奢使彼道途觀乎輪奐則
知我太守安候好事致力庸至于此沉佐幕無畫屬
辭寡聞承請抽毫勉強從命

宋熙寧六年歲次癸丑重修記州學教授商億撰張
洙書并題額練管提勸農事上輕車都尉賜緋魚袋
借紫王□立石 距淄之南五十里有水發源于
山足洶湧奔騰趨梁鄒而貫乎清濟昔人構屋於源

上以爲祠按地誌齊有孝婦顏文姜事始至孝常踰
歷山險汲負新泉以奉姑之所嗜一日感泉湧室內
旣而派流北注越百餘里之遠故目其地曰顏神水
曰孝水祠曰顏姜之廟其碑誌多所剝蝕獨梁乾化
中刺史高霸以歲旱祈禱卽日獲雨而命顏休續其
屬紀始年僅可詳究淄州地界齊魯之郊南皆山阜
北頭大河皇朝開國百餘年內外晏然四方無事熙
寧九月詔以比部員外郎王公爲之守公至未幾竄
姦惠良百廢畢舉越明年農事旣興居民苦旱公校

顏神鎮志



卷三
祭祀

五

閱誌圖而神之廟寔在境內復以其孝德感應顯聞
於人占食茲土紹歷年祀必有陰惠能益吾民躬詣
祠下因以雨澤爲請觴奠旣畢嘉澤滂霈是歲百谷
用成庾廩充積公於是特命屬官親致餼幣又明年
盛夏之月天久不雨民胥告勞公夙駕再往旋及中
途雨大作浹日之間合境告足凡州居之民無有遠
近詠歌歡呼喜神之賜相與倡論更引迭進走公之
庭咸願出力以新其廟公乃訪其傍近之德士得新
授博州防禦判官張及主辦其事增起新址寵厥有

加功興于中夏迄仲秋而祠成自乾化迄今百有六十年中間殆嘗經葺至是再新而基構始大非上之心憂民之切而神不忽其請民皆願輸其力則功之成亦安能如是之亟也然古者丘陵川谷之神有益於民者在禮皆得祀之至其爲烈彰彰者朝廷比嘗詔以封爵或國邑之號追崇之若孝姜之靈於淄民用是而報之禮未爲過今王公特順民之欲崇於廟貌虛此而弗議蓋有餘不敢盡爾

宋熙寧八年六月

日勅

顏神鎮志



卷三
饗祀

六

勅淄州孝婦顏文姜朕躬執珪幣郊見

上帝覲爲萬民蒙嘉氣獲美祥旣又詔天下凡山林川谷之神能出雲雨殖財用有功烈於民而爵號未稱者皆以名聞將徧加禮命以褒顯之如此非特以爲報也蓋聖王制祀所當然也惟神聰明正直庇於一方供民之求如應影嚮守臣列上朕甚嘉焉䟽錫寵名以昭靈德且俾民奉事不懈今可特封順德夫人仍賜靈泉廟爲額

宋題名石碣廟戶郭勅換刻

淄川衛元度王巨

載渤海任德克陽丘高擇之三城傳子容政和七年三月十四日同謁祠下明年二月十六日巨載子容同趨奉高再謁祠下

金碑廟戶郭寧摸刻

皇統改元春旱躬禱祠下

四月既望乃雨越二日乃報神既同至者耿德甫孟德基張子美孫叔廉李彥宏徐伯克李子強趙仁仲韓德霖王伯城董逸飛澄陽康深甫題 保義校尉差監淄州淄川縣顏神店□□趙□四 保義校尉特差克淄州淄川縣顏神店巡檢徐□

顏神鎮志



卷三 禮祀

十七

頌德夫人墓 在孝水東南墓前享堂三楹周垣門

坊久廢歲三月七月守土者例備少牢致祭

碧霞元君廟 在鳳凰山頂各郡縣人民有香願不能至岱者於此焚祝而去四月十八日鎮民醮錢爲會通判葉先登有碧霞元君辯一篇載遺文

明季崇禎十三年九月二十三日勅諭道經掌技官梁之洪虔貢香帛前往東省泰山設醮恭告行禮加封群神

天仙聖母青靈普化慈應碧霞元君

眼光聖母慧昭明目元君

子孫聖母育德廣德元君 附志備考

玉皇宮 建鳳凰山半碧瓦殿月俯觀幸水宮壻

鐫劉文離符宋初四聖御牌

關帝廟 在孝河西岸永濟橋北

王靈官廟 在城西南夕陽坡

魁泉廟 在孝河西岸永濟橋南

李公祠 同上

藥王廟 在龍王廟南聖生員翟良業岐黃募建大

顏神鎮志



卷三 藝祀

六

唐醫聖常公號慈藏神位左右配祀漢醫張公號

中景金劉公號守真元李公號東垣朱公號丹溪

諸神位

龍王廟 在順德祠南通判葉先登步禱屢驗於康

熙三年春擴建有記並遺文

龍泉寺 在南門外二女泉北大殿三間文室三間

右禪房一所後廠石洞西臨泉水頗堪小憩以在

持者不能點發山水之韻殊可惜也歲時元旦萬

壽筵在公人等俱前一日備

龍亭儀仗於祠內守土官吏是日昧爽率胥隸耆老等詣寺習儀鼓樂迎

龍亭入公署行朝參

二女堂 在龍泉寺內二女泉南重建于元至治年間姓氏碑字沒滅至今石柱猶存里傳二女未嫁以孝流芳尙不媿文姜之化矣

白衣祠 在龍泉寺右

彌陀庵 在白衣祠西北

文昌閣 城東南文筆山最高一層廣三間巽峯高

顏神鎮志

卷三

五

藝文

聳最宜左魁星樓二層下圓上尖右張仙樓亦二層與奎樓爲對康熙八年建大門并周墻垣

金山寺 在石炭莊東南距鎮十里於平地突起小阜高七八尺寬二畝許山門雅靜一老栢團團如蓋

聖水寺 在鎮東南二十里

范文正公祠 在東門外荆山之崖堂三間塔下即

范泉吐線噴珠色清味厚獨重他泉有名人題曰

山高水長兩廊各三間然左高右低殊不相稱大

門樓一座樓上祀伏羲諸神
正未果每歲立春迎土牛于此
魏公祠 在范公祠後

觀音堂 在城東郭外秋谷口內有泉清冽造屋穿石與谷聲相響答里人張聯翼重修小記 顏城東秋谷口有觀音堂兩岸界水石澗中流蓋鎮名勝也萬曆初先大父昆季倡義重修焉歲時遷流廟貌殘缺淄州有女尼古月妙順者瞻禮來茲因發愿重整 大士法像而聿新之歷年輪奐改觀

顏神鎮志



卷三

三

復行勸募四方庀材殿左展基剏石大夫廣生二祠又南向建香亭一舍殿右置西南二廡爲住持所崇門垣界內外塔前濬池塹引清流於山門下而合扉焉二十年來蚤夜持誦磬聲與秋谷山音叶響香煙與雲嵐直冲九霄洵信心彼岸可與爲善者矣年六十八頂禮四方善信士女捐貲萬姓乞片言勒石以昭因果勝地得入二事俱堪傳不朽余拜手曰俞哉贊言不文遙觀厥成是爲記

紅廟 在鎮東六里許內建義山行宮

顏神鎮志卷之三下

灾祥兵燹

論曰至治之世風不鳴條雨不破塊園扉鞠草吠犬
生菴民生其間家給人足七日舒長何其幸也及乎
旣衰冬雷夏雪川竭山崩干戈滿地輓轍徧野民生
其間凍餓流離蹙蹙靡騁亦可哀也說者以爲一治
一亂蓋有數存焉然惟有位君子不可言數書不云
乎制治未亂詩不云乎誰生厲階由斯以觀治亂之
生豈不由乎人哉鎮處萬山之中地土瘠薄每遇旱
顛神鎮志 卷三 一
灾祥

嗚饑荒立見且深林邃峪四方亡命嘯聚爲害者違
違而有遠不可稽自明至今三百年來如萬曆乙卯
之飢禾樂蒲臺之變几幾見告矣嚮使當事者預爲
之制而不有以階之何至决裂若此哉語曰前事不
忘後事之師也故詳誌之以垂陰鑒

灾祥

宋貞祐年間孝水正清忽黃流四十里人驚見多遠
避有頂冠至得免害水次日復初

明萬曆四十三年乙卯山東大飢鎮民剥樹皮食菜

根骨肉相殺市頭有饑民仆地未起稍強者卽刮食
仆者呻吟乞免片刻此鄭繪寫不到者明神宗皇帝
詔出帑金十六萬差御史過廷訓賑救二束
萬曆四十四年丙辰秋東方白虹自地起如疋練子
夜綿亘數丈冲斗虛經月不散寰宇共見得並書
崇禎三年四月孝水又黃流五十里北至長山始反
清及秋萊州兵叛半載始平

崇禎十三年庚辰歲凶米一斗價錢八百次春增價
一千三百五十時值一兩八錢麥豆同價民相食

顏神鎮志

卷三
災祥

崇禎十七年甲申三月乾地風如轟雷停午晝晦黑
雲紫霧蔽空群情震悚是日逆闖陷京

國朝順治十一年八月二十一日孝水黃流及暮迴清
闔鎮官紳祈禳十三年夏秋蝗瀰漫城野搏食如勅
敵不卻真物災也入冬餓尸枕籍燄骸充飢非執兵
不敢行

順治十六七年年秋郊隴城園百菓卉木多重花不結
實此花異也

康熙三年麥秋嚴霜有地一段左害稼而右不傷者

麟邑有計頃全霜麥粒全灰燼者古稱六月飛霜於此見之

上聞議勘邱有差此後三四五連年無麥

十月初旬彗星子夜見於翼軫直抵婁宿經五十餘日西行歷有十三宿刑科楊雍建奏星象示異奉

諭旨修省

康熙三年十二月十八日鄉人孫必任常汲水樂曠莊山上馳一馱遇虎馱驚倒任伏石澗下虎踞石上注視良久突聞人衆踪蹟乃撲馱跳澗去人得免由

顏神鎮志

卷三 災祥

三

有猛獸藜藿不採汲水容易哉

康熙七年六月十七日二鼓地震黑氣從乾地湧來有風雨聲俄而城垣樓櫓搖落滿市驚號彌月人心始定

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

縣由吏部主事典試陝西歷官吏戶兵
三部尙書晉秘書院大學士

世祖皇帝賜御山水軸

國朝趙班璽

號受介順治乙酉經魁丙戌授御史巡
按四川山西

呂維樞

號穉修乙酉丙戌授御史巡按山西

翟文資

號義圖壬午丙戌除部主事歷官浙

江提學道陝西副使

顏神鎮志



共四
人才

五

馮永禎

號介石乙酉丙戌授昌平知州後改浙

江黃巖知縣

張聯箕

號卽公戊子乙未由教授改鄉寧知縣

韓雯煥

號天章甲午經魁己亥辛丑授雲和尹

幼失怙霜母水操依祖應魁教養成名

蔚爲望族

翟世琪

號湛持丙戌己亥會魁由庶吉士除推

官改陝西韓城知縣

翟延初

號岱麓丁酉己亥由庶吉士編修甲辰

分房

呂維樞

號仲英康熙癸卯丁未

豫神鎮志

鄉科



卷四
人才

六

明趙汝弼

號



嘉靖癸酉未仕

趙敬簡

號



嘉靖丙午經魁任盧龍知縣

趙敬賓

號



嘉靖戊午任宿遷知縣敬簡之弟

趙爾待

號



萬曆癸酉經魁金華府推官崑

嵐州正

李時華

號



萬曆癸酉未仕

李毓奇

號



崇禎卓萬曆壬午除睢寧知縣

樂行言 號訥庵萬曆乙酉授商城知縣

劉若虛 號  萬曆辛卯科未仕

趙大倫 號  萬曆庚子經魁未仕

翟鳳翮 號  萬曆癸卯授陽武知縣

鄭之韓 號  癸卯授陝西宜君知縣

翟鳳羽 號  萬曆乙卯未仕翮兄

王弘化 號  萬曆戊午任鞏昌推官湖廣茶

陵知州文學矜式東土吏治秦民懷之

岳儲珍 號石影戊午未仕

顏神鎮志

 卷四 七 人才

張聯軫 號蓬丘天啓甲子經魁未仕

李馨 號德苑天啓丁卯未仕

孫廷鐸 號道宜崇禎壬午考推官改廣東陽江

知縣

國朝張之翰

字平侯順治辛卯亞元時年十六

郭徵明 號獻臣順治庚子

李融和 號介昭順治庚子

鄉貢

明趙應宿 號 隆慶年貢 濕州州判

趙毓秀 號 萬曆年貢 新泰教諭

趙祐 字玉砂 萬曆年貢 未仕 著地理紫囊書 行世

李永固 字磐石 萬曆年貢 任廣平府通判 宣府同知 兩浙運同

翟孔道 字泗澗 乙卯貢 任霑化訓導

顏神鎮志

卷四 八
人才

高山衛叅軍 有文學 著于鄉

孫震 字景陽 年貢 任濮州訓導 陞濰縣

教諭

國朝自順治八年題新例 歲貢

廷試上上卷俱授知縣 不由國子監考

宋有守 字青蓮 年貢 任山西襄垣知縣

張聯翼 字白生 癸巳年貢 選河南伊陽知縣 順

治十四年任

李篤 字仁涵 甲午十一年貢 候選 未仕

李志和 字鼎梅戊戌年貢

顏神鎮志



卷四
人才

九

副榜恩貢

翟胤植 字蘭谷甲午第六名

副榜

孫廷鍾 字琰仲丙戌

張聯房 字鼎生丙戌

國子監例監

趙邦教 號  順天府照磨

翟進賢 號  序班

王嘉賓 號  周府審理

翟聘賢 號  武昌府照磨

翟修道 號

喬 縉 號

翟鳳獲 號

王明翼 號

顏神鎮志  卷四 人才

張 師 號貞術

趙濟美 號岐叔

翟元佐 號夢予由內翰中書歷術太僕寺少卿

張聯星 號景生

貢監

翟延祺 號  廣東翁源知縣

趙雙美 號嶸仲

封爵

明李寶 號魯峰以子時輝封西安府推官

翟入道 號靜吾序班以子鳳翀累封兵部左侍

郎

張堯封 號南野庠士以子曉官大中丞累封兵

部尚書德重鄉評學式多士

李佐 號  以子永固封通判

王鎬 號  以子弘化封推官

趙課 號  以子振業封御史

顏神鎮志



卷四
人木

士

任克明 號  庠士以子濬封戶部左侍郎

翟鳳挺 號  庠士以子元佐封中書舍人

劉木 號  以子龍光封行人

國朝孫元昌 號培之庠士以子廷銓內院大學士累

封戶部尚書

翟瑄 號玉鳴庠士以子文賁累封浙江右叅

議

恩廕

明王 稹 號



讓子除授保定知縣

國朝孫廷錫 號



銓胞弟考推官改陝西保安知縣

縣

顏神鎮志



卷四 人物

十二

武科

周國棟

號



戊子解元乙未會試選授



守備

孫廷鎮

號玉叶丙午

納職

明 趙丕振 號紹興授大使

趙丕揚 號（印）授巡檢

張世榮 號懷宇選陝西武功縣丞

趙服采 號相寰選陝西褒城主簿

謝憲 號麟貞選界河驛丞陞湖廣麻城主簿

宋瑾 號公玉選大名清豐縣丞

顏神鎮志



卷四 人才

十三

生員

府縣兩學籍鎮者幾三百人每試居優等者占郡邑十之四五焉若劉宗延孫寶侗趙徵璽等皆士林翹楚也自康熙二年鄉會選士

上論黜八股止用策論禮部議定舊例三場今革去一

場改試兩場一場策五二場經書論各一表一判

五各省歲校論二策一行甲辰丁未兩科

醫學

翟良 號玉華有痘疹經絡等書行世

韓應魁 號洛田和仁積功撫族孫雯煥成進士

堪輿

孫國琦 號鍾山究心青囊諸書不求聞達

顏神鎮志



卷四 人才

十四


耆考

宋 璐 號崑陽卒士康熙元年八十四歲

孫弘胤 號幼鳳庠士康熙三年八十五歲

董學舒 號杏壇庠士康熙八年八十六歲

孫弘祚 號小鳳胤弟康熙五年八十五歲

秦如松 號  掩的社人康熙七年九十一歲

嘉行

鎮人冷植元號養冲素泛海舶自崇禎時離鄉距國朝康熙已經三十餘年杳無音蹟長即冷生日升托宦船抵絕域延訪萬里收骸昇襯歸葬如禮孝行罕儔特表之

庠士劉濟德早失怙年七歲克孝厥祖晨昏定省儼若成人祖偶違和延醫嘗藥夙夜不怠至十歲祖病篤議析爨叔屬意新宅祖猶豫未決濟德會意向祖言母子習居舊宅雖徹廬不忍離

顏神鎮志



卷四
人才

十五

也新宅竟歸之叔祖以是霍然病愈又數年祖歿後祇奉遺囑閉戶攻苦學行兼茂教子訓孫家有順子之稱門有仁里之號五子諸孫俱蜚聲翼序振振繩繩裕後亢宗竝見燕山之報矣

貞操

明孝廉劉若虛初尙輒病故妻房氏年二十六歲苦節自矢翁姑垂老多病房氏孝養無缺刺血和藥茹素祈天翁姑病頓愈一子濟德過歲教育嚴而有法遂成碩儒有司屢旌其門曰節孝官給廩餼數十年壽至七十七歲無病而終同里皆奉爲母儀云

翟門王氏以子元佐官獲誥封太孺人佐腹胎蚤孤孀修苦節垂白沾一命年近八旬撫諸孤孫

顏神鎮志



卷四
人才

六

皆成立部旣旌表其門

國朝博山社人孫門劉氏四壁爲家康熙三年壽八十九有丈夫子三

鎮人竇智妻趙氏康熙六年九十八歲自幼持齋奉佛冰霜清守

寓賢

宋

范仲淹 字希文世家蘇州駐長山讀書秋谷口

魏

賈思伯益都縣人仕至都官尚書讓下人謂公寧

不驕公曰衰則便驕何常之有世爲雅言

明

王 濬 號帶如避荒神頭店助守郡城谷一千

二百石持青守汪公喬年

史 柱長山人世金吾避荒在鎮捐助守城

崔冲霄鄒平人拔貢知縣讀書在鎮有詩刻

顏神鎮志

卷四
人才

十七

顏神鎮志卷之五上

鎮通判閩武安葉先登

纂著

顏神鎮志

卷五

綸言

綸言褒錫

論曰子之能仕父教之忠國爾忘家君代厥報帶礪之盟券書之錫斯上臣之隆遇詰亂之殊榮也復哉尚已若廼一經式殺三命尤宗或藉謨謀而啓沃密勿或資膂力而經營四方或稱一路之福星或茹數年之水燠夫身名者臣之所重而爵賞者君之所輕君惟不吝予臣以所輕臣敢不愈報君以所重於是有所賙封之典於是有所誥命之詞上者覃及高曾次亦推榮考妣生則身膺章服沒則寵被京原聲施耀

閭里昭垂傳之苗裔是雖一姓之家乘抑亦千秋之國華也鎮之先達通籍纍纍應斯典者代不乏人遠者已無可稽卽自明迄今僅二百年然又有散帙無存者矣天語琳琅子孫不克世守至今與寒烟荒草同其泯沒此夫子所以致慨于文獻也余故及今輯而錄之彙爲一冊以附人才之後爲人子者讀是集而不感奮起興者豈情也哉

兵部尙書張曉誥命天啓七年

制曰朕聞周門伉而蒼錄興漢闕作而災鬪盛故賢顏神鎮志



卷五
繪言

二

臣同振其鴻謨光生國棟則明主普休以鳳藻賁被王綸爾總督宣大太子太傅兵部尙書張曉黃石傳符白星誕命青錢雅譽清霜雄武庫之兵丹旆持平慧日朗民曹之笑繇望郎而出守晉叅鞞於建牙入陸地鄉佐籌金穀出司邊務獨總樞機胸繙數萬甲兵手布三千衡軸是用叙功晉爾階光祿大夫柱國錫之誥命於戲出鎮疆場入佐廊廟爾顯庸帛不勝書矣師古致君內寧外治爾有賴焉欽哉

陝西鞏昌府推官王弘化誥命

崇禎元年

勅曰司理持一郡之平以佐祥刑之治者也况天水襟帶隴蜀邊民鄙樸軫念尤先爾陝西鞏昌府推官王弘化潔標朗識卓品宏才本植德於槐階遂翔名于桂林分猷李署司讞竹刑水壺懸照膽銷六月之飛霜玉尺定如神歌二天于湛露覆盆有耀肺石無寃是用覃恩授爾階文林郎錫之勅命勿替朕命行有徵綸欽哉

南京戶部尙書仇維禎誥命崇禎十三年

制曰漢專計相期謀國之得人唐重度支惟生財之

彥祖錄志

卷五
合言

有道時方求舊命則維新爾南京戶部尙書仇維禎器識沉凝才諳敏練樞垣洊陟卿寺歷班秩晉地官陪京主計戶口多寡較周夏之牙籌朝夕論思勤王劉于鞭笞期足兵而足食爰自比以自南是用覃恩授爾階資政大夫錫之誥命於戲總留都平準之衡心商七政知南國廣輸之數力振九農尙底乃功無虛茲命

行人司行人劉龍光誥命崇禎十三年

勅曰國家獨輶軒之使必藉才制科誠重之也有能

矢靡盬之勞爲皇華光者無愧疏恩爾行人司行人
劉龍光掄魁東國奪錦南宮爰試新硯磨茲使職勵
匪躬而著節澄止水以盟心每懷靡及之誠形于六
轡夙夜不遑之義托於駟騅是用覃恩授爾階徵仕
卽錫之勅命夫四牡宣勤惟爾之擘揅謹問俗可以
決壅弊而達聰明茲有厚期爾其懋哉

顏神鎮志

卷五

繪畫

四

顏神鎮志卷之五下

著咏遺文

論曰夫絲綸寵賁則雲漢爲昭渙汗遙頒則山川生色余輯綸言一冊鎮之文章莫大是矣又奚取夫詹詹緒言而組之綴之以貽譏蛇足而致誚續貂哉曰是又不然夫古有所必存非文孰與存之事有所必核非文孰與核之疑有所必析非文孰與析之情有所必宣非文孰與宣之是故顏水范山從乎古者也創建興復麗乎事者也霞宮寢廟疑之端也尋壑經瀕神鎮志

卷五
遺文

一

文集

明萬曆二十四年重修孔子廟記鎮人周繼撰

顏神鎮設文廟舊矣古碑風雨湮蝕莫辨叔始於元統二年繼修於弘治十八年徵本府節推陳公孰爲興復非照磨郭公鐫碑曷審從來耶又有羅公開東路雷公關學基本府四明柱公建坊築雲路克拓

堂廣平李公因欲鄉耆霸州江公緣習祀事迄今彰彰不可泯也隆慶間貴賓擊轂至時借二堂具委積後致隔爲另宇殿庭漸就荒蕪矣萬曆壬辰歲任丘思南劉公下車瞻謁惻然不踰歲政和民康百舉畢舉一日謀諸生請當路捐資鳩工不愆于素先師殿起二尺許戟門亦然復闢衍三尺櫺星稍前潤亦如之開巽門與坤比肩內構堂題科貢名與祭庫對復移泮于中引流環宮戟門內開角門復與二堂合像主一時俱新敞以朱扉昭其明也繪以丹黹昭其文

顏神鎮志

卷五
遺文

也砌以階級昭其等也列以柵欄昭其度也夾以石鼓昭其永也樹以開屏昭其通也巍然煥然視曩昔懸殊水色山光若增而麗窮巷深谷皆思嚮學其所以恢張我聖道丕振我文風培植我命脉鍾毓我精英者不與廟無極哉嗚呼陳公一新由一士迄今續七十士籍聖賢者且十人今我公大新由七十士後當何如耶我諸生敢不夙夜步趨示我後人期無忘大德謹識于石用垂不朽

國朝康熙三年重修文廟并募建敬業書院記捕盜通

按祀典非郡邑不得立孔子廟蓋廟制與學官相表裏春秋釋奠則有司臨之朔望講讀則師儒董之其典甚隆非若他百神之祀各因其里俗一任田夫野叟挈豆登携樽榼袒裼徒跣雜然闔堂而致私祝也然則顏神之有廟也何居考古碣始勅于元統三年爾時鎮人未知向學籍弟子員者寥寥或爲長人者之設以風厲或爲父老之景行私淑俱無遺文可稽其僅存足據者明弘治己未郡司理姑蘇陳公天祥

顏神鎮志



卷五
遺文

三

行部至鎮曾命鎮人重修之越六年而照磨郭聰泐其事于石言雖樸而實錄頗具下建萬曆丙申鎮倅任丘劉公分桂復修之崇禎甲戌鎮倅吉州虞公紹唐又修之自陳公迄劉公三十八載鎮士隸膠庠者先一員漸而至七十員自劉公迄虞公三十九載鎮士由七十員漸而至二百員自是甲乙之牘科不絕書自虞公迄今三十載鎮士且三百員矣元老鉅卿項輩相望秋闈春榜競爽聯鑣謂非廟之式靈不及北况自正德設官嘉靖築城以來朔望瞻請皆係爲

政二丁釋奠俱如罷邑禮則鎮廟雖不在祀典然宜修而不算任圮毀也亦旣彰彰矣余受事之明年因諸生孫弘胤等之請修乃轉申於兵憲溫陵陳公得報可且捐百金以先之遂徧謀諸紳士時大學士孫公方以冢宰

予告定省歸里毅然捐貲首倡而諸先生孝廉明經上舍子衿各量力捐助有差余不佞出薄俸佐之乃屬諸生董有章孫稭趙如理房紫辰薛文譜王所念耆民劉澄然書吏李汝止董其事不役民間一丁而

顏神鎮志



卷五

四

廟貌嚴翼有加于昔又于廟西隙地鼎建書院一所規制與廟正等扁其堂曰敬樂蓋緣鎮乏師儒余不佞聊拈敬業樂群之義以爲三百士勗然則三百士其益加勉哉今

朝廷立賢無方黜八股而崇經濟諸士旣興聖域而爲聖人之徒德行言語政事文學苟得其一皆足稱王佐才毋寧使繼茲以往頌東土人文之盛者六郡讓于青青十四屬讓于益益十二鄉讓于鎮鎮人士無所歸讓歸之于廟而因溯及前此修廟之人余不佞

將與如虞如劉如陳諸公屈一指焉不大愉快也哉
余匆匆行矣諸所經畫具體而微濶色明備尙賴我
後之人

宋宣和七年承議郎前任順安軍州學教授陳琦續
翁婆因地記廟戶郭勅立石 明正德十三年通
判盧秉懿重立石

淄有顏神在郟南四十里曰其水曰孝婦河者蓋因
順德夫人顏氏著名也夫人之德備載於朱梁刺史
高霸之記而夫人祠之左又有所謂翁婆堂者乃夫

顏神鎮志



卷五
遺文 五

人之舅姑也舅姓李氏家於鄒邑李顏村姑郭氏故
居之地今顏廟是也舅謙愿醇厚閭里皆敬服贊郭
氏氏亦生而賢淑恪脩婦道時人相與言曰如李氏
厚德可高大其門子孫必有與者後果生夫人之夫
聰明正直克承厥家壯室顏氏卽亞聖之裔順德夫
人也夫人柔順令德天表殊行感靈泉生室洪流敷
澤歷代尸祝至我熙寧中因吏民有請神考配享加
寵褒以旌順德賜靈泉廟額左置享堂歲時報謝舅
姑亦與焉世祇知文姜孝德格天抑知本舅姑之積

善餘慶孕靈者深也廟戶郭勃係姑遠親自唐天寶
前世守其事沿革數百年間丁力篋差凡守土者悉
脫其籍或歲凶盜起相戒不入李蔚村鄉其明信之
感類此種種神祐異蹟載古碑漫滅難悉惟孝婦河
距潯郡城南四十里環流西北注之清河東折入海
河伯效靈綿亘萬祀伊誰力也經著龍水攷求其故
謹述其因地而書之

蒙古乙未夏六月重修順德祠記古汴鄉貢陳雷撰
定遠大將軍元帥右都監潯州刺史兼知單州事

顏神鎮志



卷五
遺文

六

規舉常平倉專加護軍太原郡開國侯食邑一千
戶寔封□□戶王珙立石

節錄

夫天之于人降灾祥在德蓋化莫大於孝稽古有虞
姚氏舜稱大孝此帝德也有周姬氏武王周公曰達
孝此王德也而繫之公旦論德不以位也罕及婦德
者歷楚漢隋唐及宋神宗宣仁皇后稱女中堯舜此
后德也罕及民間婦德者唐天寶間潯州南四十里
曰顏神鎮水曰孝婦河祠曰顏文姜之廟世傳以孝
感靈泉生室宋神宗皇帝郊禮群神勅封曰順德夫

人其潛行幽光靡得其詳非甚盛德何以世祀歷代
帝王而無聞也北熙寧間員外郎王公碑未載名除
守般陽值歲燠晉謁祠下誅禱無不立應雨暘時若
萬寶告成降及貞祐年間兵革倣擾群盜蜂起至日
孝水清流忽黃四十里人訝其變驚相告曰此神示
異各携持婦子而遠避之有頃寇至免害水明日復
初神功較著壬辰之歲冬十月有太守兼元帥王公
撫蒞淄州例謁拜廟睹神像黯黯爲之鼎新勸土人
庀材用并廊廡棟瓦輪奐重輝命小子雷一言譜徃
顏神鎮志

卷五
遺文

七

蹟于石至德難名余何敢辭任耳不及任目卽孝水
而繫之以歌曰夫人之靈兮而能寢寃賊之謀兮夫
人之聖兮而能應甘霖之禱兮孰能垂順德之澤兮
如此水沛然而莫之禦兮孰能使人孝之作兮如此
水涓涓東流而逝兮

元至元二十八年重修記青社孟詡撰承務卽益都

路總管府口陳口承務卽益都路總管府判姜

奉議大夫同知益都路總管府事麥朝口口大夫

益都路總管府尹本路諸軍與魯總管兼管內勸

農事脫目昭教大將軍益都路總管府達魯花赤
兼本路諸軍與魯總管府達魯花赤兼管內勸農
事拈里海本鎮巡檢馬受立石 節錄歌辭

卓哉夫人孝行絕倫生爲烈婦死爲明神定省之禮
夙夜殷勤天地感應湧泉齋漸成川逝入于海津
上下灌溉利益斯民熙寧之封爵號順德廟額靈泉
寮揚懿則殿宇峩峩在山之阿四方瞻禮誠敬孔多
犧牲嶰碩筦絃聲和千秋萬載德音可歌

明弘治八年新廟記提學副使四明楊文卿撰

顏神鎮志



卷五
遺文

八

福山之南四十五里山下有泉昔人構屋于其上以
爲祠蓋齊之孝婦顏文姜養姑孝謹姑性嗜河水水
去所居可數里孝婦無間寒煖日躬致以飯姑風雨
霜露觸冒勞苦久之忽有泉湧出于室昧司于河蓋
天相孝婦以便其汲焉孝婦沒卽其地立廟以祀之
自是邑遇旱暵禱輒雨盜起將掠其境先期河黃四
十里示民以趨避盜來無所苦逮出境河水復清其
靈應如此立廟助于唐舊記逸其歲月無可考宋熙
寧間封孝婦爲順德夫人廟額靈泉河名孝婦廟雖

屢經修葺歲久摧敝四方禱祀之人壘集鱗聚失所
瞻依歲入施錢皆爲旁近無賴所私弘治八年都憲
汝南熊公狃奉璽巡撫山東行部于青道過祠下顧
盼徘徊重念國家以孝治天下而孝婦有廟若此何
以勸勵風俗迺以濟南衛百戶朱英核實施錢之入
用以市材鳩工廟貌若生士庶具瞻孝思興起謂文
卿不可以無述夫大道未隱人各親其親孝之名未
著及世德下衰始以孝爲卓行然季武矯而服纓子
春強而過禮文舉忍而棄子飾情要譽非孝之經至

顏神鎮志



卷五
遺文

九

于姜詩之妻泝流汲江以順姑好董黯因母思飲大
隱溪水徙居溪傍汲愈母疾此皆本乎天性發于至
情其事有同于孝婦者焉若婦之孝生旣能召室湧
泉沒又能神于一方以福庇其人民其孝之至者歟
顯受封號而廟祀于無窮豈不宜哉庸書以著厥美
并繫頌禱神辭俾鄉人歌以祀孝婦于永永辭曰泉
涓涓而湧室兮孝婦之德河蕩蕩而遠逝兮孝婦之
澤澤之流兮民受福德之化兮民無忒食斯土兮其
廟翼翼神如在兮其靈濯濯永神休兮與國無斁

神牲潔蠲而在俎兮柔醑在堂靈風飄而滿旗兮神
其來嘗歲用登兮時雨時暘人用康兮厲鬼潛藏惠
孔嘉兮佑善以祥昭厥鑒兮有惡斯殃俗用熙熙兮
儷美陶唐 右肅神辭

明萬曆四十二年重修記本鎮捕盜通判曲梁范一
儒撰

不佞治籠水下車例謁孝婦神祠見殘碑臥于荒草
瑤頭没于泥沙心傷之已詢父老始知前任郝公改
爲未幾以遷秩行歷後事者竟未竣役因嘆天下事

顏神鎮志

卷五
遺文

十

經始難樂成亦不易隨尋其業而葺之今此石與此
廟更新焉是安可無言謹據夫人歷履狀鐫告來者
按夫人顏姓字文姜復聖充公裔也舅李公姑郭媪
咸顏李村望族云李公子未聘不祿姜以栢舟自誓
歸事舅姑唯謹姑甘泉水離宅三十里外姜汲供之
于險巖無間寒燠一日感神授泉如縷寶闥下復
界昧筴戒汲足則塞慎勿洩爲夫人以籠覆泉坐是
不出戶而水不匱家人異之乘歸寧潛啓局發籠見
水浸浸從筴出悞一提而怒浪奔濤汪洋澎湃矣亟

歸莫挽投波涯水卽由故道派流三百餘里合清河注海蓋古所稱籠水卽今之孝婦河者近是翠後鄉人思之構屋奉祀其時日靡攷已唐天寶征遼兵經籠水神以七箸餉軍今城南營欄尙其故處後復勦陰兵成功天子特命汾陽郭公勅建祠廟梁乾化中刺史高霸以歲旱禱雨輒獲命顏休續其屬熙寧間始褒封順德夫人仍賜靈泉廟額其壁篆班班俱在也有元革運又推建舅姑考妣之祠我朝弘治乙卯復建寢殿兩廊香亭門左右翼而規制愈宏厥矣自

顏神鎮志



卷五
遺文

十一

唐迄今典廢舉墜不一然每遇燁曠旋祈旋澍每遇盜警預湧黃流示民趨避其恤灾捍患保障一方尤烜赫哉歲時香火纏屬而至者不知幾千百計雖神之福庇靈貺感應如響亦至孝之在人心者耿耿不磨今有入廟而懺然以神之心爲心則子愛親弟敬長婦順姑舅將見比屋可封而苻萑不做沴盭不作矣一念精誠且足以孚天地而通神明長民者又奚煩三尺日取不善督過之郝公設碑意在斯乎噫嘻使後人常不失郝公之意則此廟此碑雖存之百世

可也公諱大猷別號惺湖趙邯鄲人由庚辰進士以
銓部郎左遷籠水別駕余諸所注厝愧不能追公芳
獨爲之論著若此

國朝康熙三年重修記青州兵備道河南祥符周亮工

撰

齊魯之墟名泉錯如列宿而其隸青郡者有二曰范
公泉曰靈泉靈泉之名自顏文姜昉也文姜家世不
可稽相傳其事始孝遠汲供爨風雨不移神錫甘醴
溢爲河流遠近利之自唐宋以歷今茲世祀不廢云

顏神鎮志



卷五
遺文

十一

夫范公間代名儒敷政茲土淵泉其胸而膏澤被世
神之應之固其所也文姜一孱女子耳卽云事姑克
孝乎此亦婦德之常豈有竒瑰而沈瀾忽現不待虎
跑澄泓映人畧如龍躍此曷故哉蓋嘗思天人之際
每以類應今夫泉受澤于天含滋于地類體坤而終
事者撓之不濁激之愈清類抱貞而靜處者挹彼餽
餽注茲灌溉類含弘而致養者委蛇善下而不盈泛
濫百折而必東類婉婉而順從孝思之不匱者夫是
以順召順滙爲感發之膏以和致和布爲泮泮之澤

昔貳師解佩甘露晨流耿恭正冠靈泉漢出維忠維
孝如本一源感召之理信不誣也夫自然者至德之
所歸而不言之利人情所共酌也是以歷代英君誼
辟志士仁人榮以袞褻登之俎豆豈有他哉蓋天人
之理合人事盡則天不愛道而地不愛寶先後之揆
一先蹟存則賢者思齊而不肖者思奮世祀相傳廟
貌屹然厥有以耳歷年既久摧圯是懼鎮中師相孫
公暨侍御趙公謀所以更新之既經且營爰圖爰度
乃庀名材乃圖舟楫非一日於茲矣而別駕閩中吳

顏神鎮志



卷五
壇文

七

菴葉公適來斯土總其成事焉工遂告竣亮工以備
兵青郡道得竊覩其盛一時集事諸公不以亮工之
不文因以麗牲之石屬亮工爲文以記亮工以相國
諸公旣一代巨儒而葉公初以珥筆侍從之英出爲
邵司馬椽筆鴻文皆爲海內推仰應不乏制作如燕
許者以表山靈而揚芳烈雖其一時之盛不可謂非
人傑所萃亦昔人之感召不衰有以輝映於今茲耳
而亮工亦得以老吏姓字點綴於山崖水澗問今後
之過是廟者仰淑哲之遐邇嘆群公之篤尙亮工不

重有光也哉亮工既幸于斯會爲榮而又感精誠之
至幽冥爲昭如此則夫世之志潔行芳者其庶知所
以自立也夫其庶知所以自信也夫因述其大畧以
爲註而系之以詩詩曰益都之壤孝水出焉厥源宏
遠厥味甘鮮沾濟遠近終古涓涓邇厥所自始於神
媛先賢之裔秉淑坤乾媛孝于姑遠歷陂田汲彼冽
潔以發朝烟天感其孝地湧厥泉湧泉伊何乃起闔
前利媛挹注酌不回旋字之曰靈維德所全匯流爲
池瀉石成淵河名孝婦繇茲以傳靈貺嚮集水旱不
顏神鎮志



卷五
遺文

十四

愆乃立之廟乃祀厥賢前臨泉水後枕山巔繚以周
廊寢殿駢連祠及公姑父母咸然以孝食享仍享其
先後人絜義神感實堅粵若前古禋祀何年熙寧肇
盛順德特宣守臣上記堊書自天爰迄于今其再振
旃群公興作榱桷重研博采前典有司所專謹紀芳
烈以待司權

順德夫人寢廟議通判葉先登識

竊以廟之有寢猶家之有內室深邃靚靜非外人履
跡之所得至也鎮人爲順德夫人崇閎廟貌設夫人

像於中翟冠霞帔儼然使人入而生敬舊制於王殿
後別建數楹爲寢室而塑夫人元匹李公並坐於內
情理允協無可議者獨于寢室左畔又塑夫人臥像
裸裎蓬首大槩不經不知此像肇自何年大約必鄉
人無識塑之以誘惑愚夫愚婦希求布施然而褻慢
甚矣余謁廟心欲毀之而未果因戒廟戶嚴其扃鑰
勿許遊人得入然像猶存而余已去矣扃鑰非余之
所得而主矣自念因循三載而貽神明以褻慢于心
終有所不安故僭留末議以爲必毀之使

顏神鎮志

卷五 寺
遺文

黃水不爲蓄辨里人大學士孫廷銓識

顏文姜祠下泉出山坎水至清深時發黃水則地有
災祲若兵若疫傳聞若一事皆有徵崇顏初余一見
水黃獨無徵順治甲午歲八月二十一日水又黃里
人奔告銓往察之泉中水如濁河出祠外卽少湜湜
及峽半之又不一里而清余曰此不爲災民濫聽也
按左氏春秋成公五年梁山崩壅遏河三日不流晉
侯召伯宗問焉絳人之告伯宗曰山有朽壤而崩可
若何今此泉水激山而出是其伏流所經山中常有

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

以今視昔大小雖殊同歸有濟尚協力而疏之則潤
澤之益我不敢計幾口也然不大賢於丁氏之得一
人哉

顏神鎮志

卷五

遺文

三

詩集

謂孝婦顏文姜廟

阜昌四年癸丑

田與祖

高唐人

本固枝還茂源澄派必清
充公延慶祚烈女紹休聲
遠汲虎狼徑幽通天地情
一朝閨闈內萬斛醴泉生
始也隋珠迸俄然軒鑑明
里閭皆厭飫草木亦滋榮
飴蜜慙無味鬚眉可數莖
聽恰醒俗耳掬敢濯塵纒
飲盜切回顏酌貪誠倒行
康民瘳疾疹濟旱富粢盛
祀典標豐惠真封錫令各
刺山功未普拜井利何輕
孝行世難匹風流誰與同
至今巖竇上祠觀鬱崢嶸

顏神鎮志



卷五 詩集

咏孝婦泉

宋進士王餘

一竇新泉漸漸深碧河一帶繞芳林
好將此穴無窮水洗盡人間不孝心

謁順德祠

至正二十六年丙午

奉議大夫般陽路總管兼管本路諸軍奧魯
管內勸農知防禦事

孝感通天地休風貫古今外揚靈炳炳內蘊德愔愔
順同陰柔道冥符翁媪心荒年能作稔旱月解爲霖
懿德豐碑載神功奕世欽山圍堂廡麗泉湧殿基深

祠祭方千里香縉日幾金作詩歌盛美胙蠻奠神歆

咏孝泉

青州左叅軍陳璧

西吳金谿人

一掬清泉飲冷然動遠颺孝成天地感名重古今知

松掛唐時月苔封宋代碑臨流言不盡猶有後人詩

孝泉

山東左布政楊維聰

固安人嘉靖狀元

一派流芳潤千年永孝思源泉應有本天地更無私

仙駕清鸞迺遺宮碧蘚滋時聞精爽發肅肅動靈颺

謁順德祠

淄川知縣周維翰

阜城人

大唐遺構倚層山顏母儼粧照冽泉緝籠而今非舊

顏神鎮志



卷五 詩集

二

事清流猶是護靈壇鏡開曉月三千界瑟奏秋風五

十絃子夜乘潮牛斗墟始知沿海上海泥丸

前題

王樵

贅世翁

山村勤遠汲供饋苦遲回孝感天心動泉翻地脈來

遺墟空草樹久早起風雷寂莫千秋事殘碑鎖綠苔

前題

王公彦

梓桐山叟

白雲祠枕亂山青一籠寒泉萬古聲山若未平泉不

竭夫人長得孝為名

咏孝泉

趙敬簡

鎮舉人仕至鞏昌府通判

閨門昭順德純孝格天心地軸翻龍窟源泉湧石根
療病起塵疴祈雨霈甘霖予疾瘳飲泉五內飫香醇
心爽體隨健形和氣亦訢仍誨痊吾母公藥活里人
錫類永無極神功萬代新勒石依廟貌靈氣煦殷殷
喜雨謁謝順德泉祠 本鎮通判劉分桂 溫海人
朱明霖澍徧山阿曲徑羊腸滑更多香火當年停車
馬雲煙此日漲藤蘿穿厓古木隨風號出籠寒流帶
雨過竚羨兩岐簇瑞麥續圖昭報沸笙歌

孝泉十七韻

周礪齋 卽墨人翰林

顏神鎮志

卷五 詩集

三

重陰融玉液突地闢泉門水自雲根湧流從石竇噴
雪霜寒肺腑雷雨急晨昏蒼使司疏瀉元冥散鬱屯
感通傳孝婦沿遡識皇坤一點心精注千年地脈奔
赤城開混沌元窟發崑崙忠孝英靈遠蛟龍窟穴尊
有神能應祝無地不傾盆巨浪隨滄海洪濤起大鯤
潏潏鳴澗谷紆曲抱山村太液餘波是銀潢此派存
偶遊逢滌暑明鏡展朝暎鬼神擬阿護風雲自吐吞
清堪濯紫系醴欲泛金罇心目遙瀟灑淵源費討論
乘槎如可得吾欲叩天閭

謂順德夫人祠 二首

葉先登

入廟瞻遺範煌煌肅母儀馨香垂奕代救水奉當時
祇盡天經理安知地脈滋往來泉下者願自鑒鬚眉
昔聞究孝婦東海降竒荒今見旌純德靈泉出甕傍
殃祥雖異感純孝總同行復聖鍾圍淑千秋有耿光

喜雨亭記事

并序

葉先登

余以順治庚子冬請倅籠木初至署無置筆
硯處西偏有隙地畝許明萬曆戊戌邯鄲郝
公大猷以考功員外郎左遷於此曾築室鑿

顏神鎮志



卷五
詩集

四

池引泉養魚爲退食之所室久毀額無可考
池名達觀有文刻石記之越六十年池淤石
埋糞壤中順治己亥淑陽劉公之鵬復葺書
室訪池故址濬之碑石出焉乃拂拭而復豎
于池畔然池南餘地半畝仍廢爲馬坊與池
未稱余乃更作小亭六柱覆以草北臨池正
對書室中隔一垣半牒疊瓦爲竦窗使亭室
相望若隱若現若離若合旁植花竹左右映
帶而池之勝全矣亭成于辛丑三月上浣時

久旱步禱雨隨至乃觴諸薦紳于亭而落之
且丐嘉名侍御受介趙先生揚解而起曰昔
蘇髯公守扶風作亭雨應喜而紀之因以爲
名以方今日將母同遂太書而額于亭之兩
柱間余安敢望蘇公萬分一然其事適有合
又重違先生意也聊作近體紀之而自題于
北之兩柱曰亭錫嘉名喜雨不妨同愠樂池
仍舊制達觀聊且共沉浮以志一時之感且
俟後之君子云

顏神鎮志

卷五
詩集

五

一馬肆新成一草亭西山薦爽入踈櫺前臨混混源頭
活旁植森森卉木青六十年來風復觀百千人願雨
初零落成不用標新額乞得先賢舊美名
人日雪霽范泉迎春卽事呈諸紳友

葉先登

七葉萸開報早春六花初斂淨無塵衣冠會向珠泉
盛士女翻歌玉樹新滿引霞觴酬令節倒揮日馭挽
曦輪逢場共對藏鉤戲敢擬先憂後樂人

和韻

張聯翼

條風初拂際靈辰更喜千岩積素新玉鏡半垂青陸
月綵花競開繡城春拖鈎戲雜流泉出鏡鼓聲從水
殿陳當境莫愁無樂地引觴聊復醉花茵

又

趙進美

雪晴山郭澹含春千騎東方踏玉塵竹引青旂橋外
轉花垂金勝座中新笛聲梅蕊凝飛蓋澗道水壺擁
畫輪爲原大田知得歲競傳此日最宜人

又

孫鼎昌

山城雪飲萬家春六宇晴開不染塵花向靈辰剪出

顏祚鎮志



卷五
詩集

六

早歌從仙使度來新霞觴漱澗盈珠履畫鼓翩翩簇
皂輪浩蕩恩光通帝德肯將憂樂遜前人

又

王之璋

靈辰霽日恰方春寶馬朱旂碎玉塵澗岫餘寒冰欲
泮溪橋初煦柳含新田田社鼓迎歌扇軋軋春車過
畫輪池上開筵冠蓋滿熙遊樂事喜同人

又

張聯星

大造元回萬化春清泉匝地不生塵山城共薦辛盤
巧比戶人遺綵勝新瑞雪千峯捲碧海晶暉百道映

朱輪農祥自足占晨正賴有陰陽調燮人

又

孫廷鍾

七日逢春一望春馬蹄踏處雪爲塵風爲黍谷先生
煖烟惹楊絲欲放新池畔魚龍競綵鷲席前簫鼓引
香輪使君郢調高難和誰咏康衢效古人

又

孫廷錫

東風應律歲華新五馬雲旗布早春一氣陽和晴入
柳六花澄霽不生塵祠中禮樂鳴清瑟橋上流蘇響
畫輪人日從遊陪杖履興歌大有慶同人

顏神鎮志

卷五

七

詩集

留別四首

葉先登

雲山簇擁乳泉飛乞得閒官臥翠微門可張羅雀角
少竈猶黔突蕨芽肥賓朋滿座霏珠玉婦子盈畦足
衽褱三載嬉遊同太古一朝安忍遽相違

遙憶初來夾道迎扶鳩騎竹盡歡聲敢云渤海繩絲
解但喜江東米價平地瘠民依爐作計家貧士挾硯
爲耕淳風別後應無改萬里何因話舊情

會記龍泉禱雨時飛甘頃刻慰其咨名亭志喜標新
額引水旌心濟舊池驄署子來成不日頰林有僭力

誰爲神民厚，貺真難。會竟憂，猶應復到茲。
東方一日海，生塵風鶴洶。洶勢震隣閭，巷夜驚聞鐵。
甲郭門晝靜，息金罇。懲前人旣傷，焦額。必後我，惟預
徙薪。更有臨岐無限囑，急培地脈篤親親。

顏神鎮志後序

余蒞鎮之三載歲已酉冬顏神志告竣余不愧寡陋已首弁數言矣乃鎮諸鄉先生復請一言以紀成功誼不容辭於是伏而思曰志者志也志成而鄉先生之志遂矣志者誌也志備而風土人物之誌詳矣夫復何言雖然余鎮官也在後序

鎮言鎮竊惟鎮屬青之首邑晉邑附郭于青州惟顏神最遠去邑之西南二百餘里地益高出益峻水清而益駛其最險而橫絕南北者青石關顏之爲鎮扼關之勝實據上游焉青州清淑之氣于是焉聚且邑之鄉社墓置而星列者不知凡幾鎮獨氏於孝婦而稱神神之所貽風淳

俗美過其里者無不動忠臣孝子之思焉意必
有高賢大良名公鉅卿魁竒瑰瑋之姿產其間
而余亦旣見止亦旣覲止矣然氣之所聚盛而
不過神且有靈無疆惟休嗣此而人文鵲起世
閭蟬聯會見風土不改人物加盛將有誌不勝
誌者則鄉先生之志不益遂乎余故欣談樂道
後序

二

之以作將來一段佳話遂忘續貂之誚援筆而
書之於後

上黨趙良璧又識

後跋

嘗攷顏神之爲鎮地界青濟星次虛危岱
宗峙於西南渤海濱於東北接長白梁鄒
之山連洙泗淮沂之水有文筆峰鳳凰諸
山以護其靈有孝婦河二女諸泉以毓其
秀達穆陵而據青石控營丘而引淄流泱
泱大觀非特爲一郡之雄藩寔二東三齊

後跋



一

之重鎮也室每私心嚮慕欲一攬勝修阻
未獲康熙八年四月謁選以銓次得令沂
水便道星馳又不得過籠水一假憇焉先
是吾鄉先輩

拙菴趙公老大人以青州別駕分鎮顏神
迄今三載矣盜戢民安時稔歲稔聞與鄉
先生共謀踵成前謫倅顏神鎮閭中昊菴

葉公祖之志甚盛舉也近於青爲屬邑室
於

趙公爲下僚私喜幸自語以爲當得躬謁
請專城受約束於下執事目是或得周覽
其處竊寄目償所願而邑之凋疲衝繁簿
書錢穀日不暇給無可假而行者又安得
捨職所事以勤館人則頽神鎮又無因而
後歟

二

至焉矣於是瞻望嘆息曰昔廬次榎以未
至南昌觀滕王閣爲恨及購得滕王閣圖
不勝綵戀以爲見圖如見滕王閣焉其與
淵才囊中所携別無長物惟歐陽公五代
史草文與可竹一幅李廷珪墨一笏意色
甚暢者不後先一轍哉古今名人之癖大
率如此室不逮名流而癖寔過之顏神鎮

顏神鎮志題詞



物之興也有其候事之成也有其人因
來曰才地限哉謂地有弱有來弱是鎬
岐平版可并茂夫尊靈赫胥以代謂才
有達有來達則絕麟而後又何必龍門
涑水迺能紹述推擴以丘訊夫大庭中

一



黃公遠歟列子曰莫下理不可以常是
事不可以恒非先日所用後或弃之今
茲所弃後或用之思夫二氣有亭毒三
才有蕃變如沙石積而金汞萃芥子爲
琥珀以堊危樞也而羽化朽變也而湖
蝶賢媛也而貞石山衽也而百合氤氳

幻見種之來共猶又尊所聞而忽所見
賢乎管而賤夫今將駿籛追風絕景非
伯粲不足御也劔籛斲馬指雕非歐冶
不足鑄也璞籛霄朗蕪坪非楚和來且
寶也藥籛生枯起朽非扁鵲不足合也
又奚怪仲尼來見重於當昔子雲蒙嗤

二



薄於比肩哉畫工有手不譜象形以繪
錦匠有能不勤象模以樸放職方勿廢
於金版屈土或著於典謨與會昔來微
論丘豳壑秀艸芬木榮薤露筍屈瓦材
岳伎樵畊漁織鳥噫虫吟君子未嘗不
察得樂天下其爲表彰焉龍水以麗青

麗也僅如黑子著面前此因喪志者擦
今追往跡放縱新嘉隆以來風殊氣上
咎鄙慙廼今文明矣咎倨侮廼今禮暴
矣咎常縷廼今冠裳矣匪直產毛需茲
者洽乎海岱而人文彪蔚黻黻燁燁
廊廟而鞏社稷彬之奕之綽有堅達不

三

雷半麗邑矣名公長者寧輜軒次止步
水瞻山詢風叩佶別羣執相壤宜莫不
謂當有所以志斯薦紳先生僉曰燮卒
爽形諸事者閩海昊庵葉君以諧儼逸
才倅茲土政事休暇坐臥山水間啣盃
錯論念茲不念家長兄罷吏歸閩居喪

事因鳩諸所爲而佐以紳三獲其牘由
其所不又其有者由後真來可以察斯
非實人交濟之候乎於是爲序

崑

康熙歲次丙午

賜進士云身晉鄉寧戶鎮人張聯箕謹

勤